



唐類函 八

行義	體仁	帝德	福祿	祥瑞	應運	創業	登庸	帝王部
誠信	神智	知人	克明	齊聖	睦親	儉德	帝孝	行禮
帝治	納諫	寬惠	威儀	恭敬	謙讓	尊師	好學	弘量
責躬	務農	勤勞	用賢	來遠	教化	遷都	興造	制作
雄才	慕道	中興	守文	武切	帝幼	巡行	謀猷	誠懼
徽行	精忘	耆德	操勞	勅戒	哀恤	匡舊	款笑	藝林
霸	登遐	禪位	失政	昏德	廢立	奢侈	恩	

卷六十一

13
2413
8



14
2413
8

唐類函卷三十五



明東吳俞安期彙纂

明新野馬化龍校訂

帝王部五

登庸

創業

應運

祥瑞

福祿

儉德

睦親

體仁

行義

行禮

帝孝

誠信

弘量

齊聖

克明

知人

神智

○登庸

一藝文類聚初學
記雜探成篇

帝王世紀曰少昊姬姓也降居江水邑于窮桑以登
帝位都曲阜故或謂之窮桑即圖讖所謂白帝朱宣
者也 又曰顓頊有聖德父昌意雖黃帝之嫡以德

帝王

卷三十五

登庸

劣降居若水諸侯及顓頊生十年而佐少昊十二而

冠二十登帝位

呂氏春秋曰帝顓頊生自若水宥處空桑乃登帝位

又曰帝

嚳姬姓也有聖德十五而佐顓頊三十而登帝位都

亳

又曰帝堯十五而佐帝摯受封於唐為諸侯身

長十尺嘗夢天上之故年二十而登帝位

尚書舜

典曰慎徽五典五典克從納于百揆百揆時叙賓于

四門四門穆穆納于大麓烈風雷雨弗迷帝曰咨爾

舜詢事考言乃言底可績三載汝陟帝位

尸子曰

舜一徙成邑再徙成都三徙成國堯聞其賢徵之草

茅之中與之語禮樂而不逆與之語政至簡而行與

之語道廣大而不窮於是妻之以嬪媵之以娥九子

事之而託天下焉

尚書大禹謨曰受命于神宗率

百官若帝之初

從舜初授帝政事奉行之

周書曰涉放桀而歸

於亳三千諸侯大會湯取天子之璽置之於天子之

座左復而再拜從諸侯之位湯曰此天子之位有道

者可以處之矣夫天下非一家之有也有道者之有

也故天下者唯有道者理之唯有道者宜處之湯以

此三讓三千諸侯莫敢即位然後湯即天子之位

史記曰高祖與諸侯兵共擊項羽項羽敗而走使騎

將灌嬰追殺羽東城正月諸侯尊漢王為皇帝 又

曰孝文皇帝初立為代王都中都高后崩呂產等欲為亂以危劉氏大臣共誅之使人迎代王代王問左右郎中令張武張武等議願大王稱疾以無往觀其變中尉宋昌進曰羣臣議皆非也今高帝子獨淮南王與大王大王又長賢聖仁孝聞於天下故大臣因天下之心而欲迎立大王大王勿疑也廼命宋昌參乘張武等六人乘傳詣長安馳入代邸代王西鄉讓者再遂即天子位 漢書曰昭帝崩無嗣霍光徵昌邑王賀賀淫亂廢光奏遣宗正德至尚冠里舍洗沐賜御府太僕以軫輅車奉迎曾孫就齊宗正府封為

陽武侯羣臣上璽綬即皇帝位 晉中興書曰愍帝為胡賊劉粲所沒中宗素服出次舉哀三日於是百僚稱上尊號帝固讓百僚又固請中宗慨然流涕曰吾本琅琊王諸賢見逼不已乃呼私奴命駕將反國羣臣不敢復逼乃求依魏晉故事為晉王許之愍帝崩于平陽百僚更上尊號是日即皇帝位 沈約宋書曰孝武帝諱駿字休龍小字道民文帝第三子也元凶弒逆舉義兵克定京邑乃踐帝位

登庸二 北堂書鈔

或躍在淵 易 歷試諸艱 任之百官以觀其外 舜敷

於四海禹推為盟主 都督陝東 君子經綸 天

地革命 肇基王迹 王化之基 承百王之弊

大統未集 開建大業 □我區處 自亂入靜

撥亂反正 功業見乎變 有事而後可大 威光

大成 生民造化 誕受多方 克野西土 克開

厥後 三分天下有其二 受天之命 無立錐之

地 無十戶之聚 不階尺土之資 不階一民之

柄 起於三河興於七十尚書中候 湯里七十春秋

頌峻始學篇曰人皇氏兄弟九頭依山川土地之勢

創業一藝文類聚初學記雜採成篇

及為九州各居其一方 禮含文嘉曰燧人氏始

鑽木取火炮生為熟令人無腹疾 易曰神農氏作

斲木為耜揉木為耒耒耨之利以教天下蓋取諸益

日中為市致天下之貨交易而退各得其所蓋取諸

噬嗑 周書曰神農之時天雨粟神農耕而種之作

陶冶斤斧為耜鉏耨以墾草莽然後五穀興以助果

厥實 賈誼書曰神農以為走禽難以久養民乃求

可食之物嘗百草實察鹹苦之味教民食穀 論衡

曰項羽與高祖俱起威力輕重未有所定高祖誅羽

難於斬鐵也武王伐紂易於摧木也然則漢力勝周

多矣湯武伐桀紂一敵也高祖誅秦殺項羽兼勝三
家力倍湯武五代之起皆有因緣力易為也高祖從
馬長提三尺劍取天下光武由白水奮威武二帝海
內無尺土所因一位所乘直奉天命推勳自然此則
起高於川汗為深於丘山也 荀悅漢紀論曰高祖
開建大業統畢元功度量規矩不可尚矣天下初定
庶事草創故韶夏之音天下未聞焉 又曰高祖起
布衣奮劍而取天下

創業二 北堂書鈔

高本白衣 高祖與白衣 以布衣取天下 祭

蚩尤於沛庭 市弓弩作甲手刀 斷蛇奮旅

牛兵起 光武壯士願從 賢者義附 同聲響應

風景從 人鬼與能 四方歸之 見龍在田 易迅

長鳴 龍飛迅風 高祖龍變虎據 鳳翔南陽 光武鴻飛

充豫 龍飛白水 光武鳳翔參墟 虞芮質厥成文王

蹶厥生 詩徹彼桑土 綢繆牖戶 詩

○應運 一藝文類聚初學記雜採成篇

帝系譜曰地皇治一萬八千歲以火德王 尚書大

傳曰燧人為燧皇以火紀官 左傳剡子曰太皞氏

以龍紀故為龍師而龍名杜注太皞伏羲氏風姓之

祖有龍瑞故以龍命官 又曰炎帝以火紀官故火

師而火名 又曰剡子曰黃帝以雲紀官故為雲師

而雲名 春秋內事曰軒轅氏以土德王天下始有堂

有景龍之瑞以雲紀 又曰剡子曰我高祖少昊摯

官為雲師以土德王 之立也鳳鳥適至故紀於鳥為鳥師而鳥名焉鳳鳥

氏歷正也 又曰自顓頊以來不能紀遠乃紀於近

為民師而命以民事則不能改也 尚書璇璣鈴曰

湯受金符帝籙白狼銜鉤入殷朝 漢書曰漢承堯

運德祚已盛斷蛇著符旗幟尚赤協于火德自然之

應得天統矣 譙周古文考曰大庭氏姜姓以火德

王故號炎帝

應運二 北堂書鈔

誕膺天命以撫方夏 顧諟明命以承神武 克享

天心受天明命 皇天眷命奄有四海 皇天眷祐

誕受厥命 昊天有成命二后受之 天立厥配受

命既固 受命於天 奉若天命 用集天命 撫

綏四方 式商受命奄旬萬姓 相彼成康奄有四

方 集大命於厥躬 用端命於上帝 我有右命

將天明威 既受命祉施於孫子 繼明代熙配天

光宅 周雖舊邦其命維新 受終於文祖 受命

神宗 聖皇應曆數 曆數承天序 時乘六龍以

御天 乘變化而御大器 命世而出 命世之才

乃知帝王自有真 天子之位有道者受之 上天

降休帝遷明德 降命成湯 受天末命 有命自

天 自天降命 天之所啓 有天之贊 天剖神

符地命靈契 天命定爾亦孔之明 簡畀殷命尹

爾多方 達有神興有德 乃瞻西顧 此惟與宅

此乃天授非人力也 諸侯同日貢賦 湯王假有

家 天命不僭 大精布耀 帝出乎震 繼天而

王 繼天施四季應五行 乘木而王本乘水 天皇末

德 地皇火德 伏羲木生 神農火紀 軒轅土

德 顓頊水德 秦皇水德之始 湯武革命順天

應人 飛龍在天利見大人 大人虎變其文炳也

位以飛龍文以武變 人謀鬼謀百姓與能 謳

歌之舜 諸侯朝禹 抱樂器奔周 載圖書歸周

遷鼎雒邑 遷鼎均野 舜以太尉即位 即位

涖水陽 卽位千秋亭 設壇受命 鳴玉設壇

龍旋鳳時

○祥瑞一藝文類聚初學 記雜探成篇

風角占曰福先見曰祥 字林曰禎祥也福也 禮

記曰麟鳳龜龍謂之四靈四靈以為畜則獸不狘

又曰聖王用民必順故無水旱昆蟲之災民無凶饑

妖孽之疾天不愛其道地不愛其寶人不愛其情是

以天降膏露地出醴泉山出器車山出銀甕丹醜之器及人象車也

河出馬圖鳳皇麒麟皆在郊數龜龍在宮沼其餘鳥

獸之卵胎皆可俯而闕也則是無故先王能修禮以

達義體信以達順此順之實也 左傳曰少昊氏立

鳳鳥適至孔安國注尚書曰雄曰鳳雌曰凰靈鳥也

禮含文嘉曰禹卑宮室垂意於溝洫百穀用成神

龍至靈龜服玉女敬養天賜 尚書中候曰帝堯即

政七十載甘露潤澤醴泉出山 又曰朕率羣臣沈

璧於洛河良俟于下稷赤光起玄龜負書出赤文成

字 禮斗威儀曰人君政訟平即祥鳳至 白虎通

曰天下太平符瑞所以來至者以為王者承天順理

調和陰陽陰陽和萬物序休氣充塞故符瑞並臻皆

應德而至 以下尚有數條見帝德篇 鍾律調四夷化越裳來繼嗣

平即賓連生於房戶賓連者木名也連累相承故生

於房戶象繼嗣也日曆得其分即莫莢生於階間莫

莢者樹名也月一日一莢生十五日畢至十六日一

莢去故夾階而生以明日月也賢不肖位不踰即平

釋瑞

露生於庭平露者樹名也官位得其人即生不得其人即死矣狐九尾何狐死首丘不忘本也明安不忘危也必九尾者九配得其所子孫繁息也於尾者明後當盛也景星者大星也月或不見景星常見可以夜作者益於民人也甘露者美露也降則物無不盛朱草者赤草也可以染絳別尊卑也醴泉者美泉也狀如醴酒可以養老嘉禾者大禾也成上之時有三苗貫桑而生同為一穗大幾盈車長幾充箱民有得而上之者成王召周公而問之曰三苗為一穗意天下其和為一乎後果有越裳氏重譯而來矣 孫氏

瑞應圖曰金牛瑞器也王者土地開闢則金牛至又曰玉龜者師曠時出河東之涯為聖圖出河負錄載書韓詩外傳曰黃帝即位鳳乃止於帝東園集帝梧桐樹食帝竹實沒身不去 論衡曰儒者論太平瑞應皆言氣物卓異朱草醴泉祥風甘露景星嘉禾蓬蒲藁莢屈軼之屬又言山出車澤出馬男女異路市無二價耕者讓畔班白不提挈關梁不閉道不虜掠風不鳴條雨不破塊五日一風十日一雨其盛茂者致黃龍麒麟鳳皇夫儒者之言溢於過實瑞應之物或

無失言鳳皇麒麟之屬大瑞較然不得增飾其小瑞
徵應恐多不是夫風氣雨露木當和適言其風祥露
甘風不鳴條雨不破塊可也言其五日一風十日一
雨褒之甚也 墨子曰赤烏銜珪降周之岐社 詳符命

呂氏春秋曰凡帝王將興天先見祥昔黃帝祭天
先見大螻蛄黃帝曰土氣勝土氣勝故其色上黃其
事則土及禹之時天先見草木秋冬不殺禹曰木氣
勝故其色上青其事則木成湯之時天先見金刃生
八水湯曰金氣勝金氣勝故其色上白其事則金也
文王時天先見火赤烏銜丹書集於周社上文王曰

火氣勝火氣勝故其色上赤其事則火 又曰出南

濟乎江黃龍負舟 詳龍部 淮南子曰天覆以德地載

以樂樂也其時不失其序日月淑清而揚光 帝王
世紀曰堯治天下大和景星曜於天甘露降於地木
草生於郊鳳皇止於庭嘉禾孳於畝醴泉湧於山焦
僥民來貢沒羽厨中自生肉脯其薄如妾形桴鼓自
生風使食物寒而不臭名曰妾脯又有草夾階而生
隨月生死王者以是占日月之數惟盛德之君應和
而生故堯有名之曰蓂莢 又曰舜時景星曜於房
羣瑞畢致地出乘黃舜於是德被天下薦於天使禹

攝政 又曰堯率諸侯羣臣沈璧於洛河受圖書今尚書中候握河紀之篇是也 史記曰高祖寬仁愛人意豁如也為泗上亭長常從王媪武負貫酒飲醉卧武負王媪見其上常有龍恠之高祖每留飲酒讎數倍 漢書曰孝武皇帝行幸東海獲赤鴈作朱鴈之歌 又曰武帝行幸雍祠五時獲白麟乃作白麟之歌 又曰武帝元封二年詔曰甘泉之宮中產芝九莖連葉作芝房之歌 又曰宣帝時東浮大河神魚舞于河 東觀漢記曰光武中元元年上幸長安祠長陵還洛陽宮是時醴泉出於京師郡國飲醴泉

者痼疾皆愈獨眇蹇者不瘥 又曰有赤草生于水涯郡國上甘露降羣臣上言地祇靈應而朱草萌宜命太史撰具郡國所上上遂不聽是以史官鮮記焉 又曰章帝元和二年鳳皇三十九麒麟五十一白虎二十九黃龍四青龍黃鵠鸞鳥神馬神雀九尾狐三足鳥赤鳥白兔白鹿白鷲白鵠甘露嘉瓜秬秠明珠芝英華平朱草木連理實日月不絕載於史官不可勝紀 晉中興書曰昔秦始皇東遊望氣者云五百年後東南金陵之地有天子氣於是始皇改為秣陵漸北山絕其勢今建康卽秣陵西北界所漸卽建

康南淮中也按始皇東遊之歲至孫權僭號四百三十七年考之年數既不合校之基字又非論豈應帝王之符而見兆於上代乎有晉金行奄君四海金陵之祥其在斯矣且秦政東遊至今五百二十六年所謂五百年後當有王者也 王隱晉書曰懷帝永嘉元年有玉龜出灞水 吳錄曰赤烏十二年寶鼎見於臨平湖中 魏畧曰魏文帝神龜出於靈芝池

祥瑞二帖白

火鳥 史記武王渡河中流白魚躍入於王舟鱗介兵象白者殷家色白明殷當授于周又有火復于王屋流
神馬 式云麟鳳鸞龍騶虞白澤神馬為瑞隨即奏之應奏不奏杖八十
浪井 與畧曰浪井不鑿而成孫氏瑞圖曰浪井不鑿而成者清淨則水流有仙人至

醴泉 泉浪井為大瑞
金芝 漢宣時嘉穀玄稷降于郡國金芝九莖產於函德殿銅池中金芝色如金

華木 式云秬黍嘉禾並為下瑞
玄珠 式云玄珠明珠
紫玉 式云玄珠明珠
威鳳 鳳有威儀者
神雀 非煙

慶雲 卿雲
山呼萬歲 漢武封梁甫時
洛出九疇 洛出書孔安國云河圖即八卦
神珍 降帝祉
三秀 五雲
靈物

瑞圖 呈祥
效靈 休徵
嘉瑞 禎祥
福應 惟德動天
非天私 我家
禾同穎 唐叔得禾異畝同穎

木連理 天降茂祉
神表靈貺 皇道無為
帝
德有象 野穀旅生
野蠶成繭 先武
彰有德之象

表無疆之休 至德馨香感乎神明 書 至德光大

動于天地 瑞命 靈符 何晏 瑞頌 戩 極休 何晏 史

不絕書 有道則見

賦 魏劉劭嘉瑞賦曰乾坤交泰嘉瑞降靈皓雉呈其
潔質素威效其人形白兔揚其翰耀黃龍耀其精神
章光列之焯耀顯休徵之有成昔聖王之降瑞或卓
爾而弗經猶著美於篇籍貽來業而垂名實明德之
所墜宜允納而是丁信無思而不服又何遠之不寧
方將收麒麟於玄圃栖鳳皇於軒櫺舞鸞鳥於中唐
聆鸞鷲之和鳴弄萋蒲之華芳翫朱草之丹榮承靈

祚而建基垂遐福於億齡超三五而無儔與泰初乎
齊聲

頌 魏何晏瑞頌曰若稽古帝魏武哲欽明文思罄民
生之俊德懿前烈之極休先天而天弗違後天而奉
天時聿迪明命肇啓皇基夫居高聽卑乾之紀也靡
德不酬坤之理也故靈符頻繁衆瑞仍章通政辰修
玉燭告祥和風播烈景星揚光應龍遊於華澤鳳鳥
鳴于高岡麒麟依于圃籍虺虎類于垆疆鹿之麋麋
載素其色雉之朝雊亦白其服交交黃鳥信我中雷
儵儵嘉苗吐穎田疇

表周王褒上祥瑞表曰明王孝治岳瀆所以效靈至人澤及風雲以之懸感是以若霧非霧天道叶至德之符似煙非煙觸石表嘉祥之氣玄黃蕭索之輝丹紫輪囷之狀豈止唐帝沈璧氣合金方姬后望河形如車蓋

○福祿北堂書鈔

惟予一人膺受多福 未言配命自求多福 既有淫威降福孔夷 降爾遐福惟日不足 實受其福 未膺多福 俾爾單厚何福不除 降福穰穰 降福簡簡 千祿百福 子孫千億 愷悌君子

千祿愷悌 百祿是適 百祿是荷 受天百祿 天被爾祿 天應之德 祈天未命 承天之祐 受天之祐 如山如阜如岡如陵 天錫純嘏 求錫祚胤 萬壽無期 南山之壽 一人有慶兆民賴之 登爾女士從以子孫 君子萬年景命有僕 必有世祀 萬世不絕 如川之至如松之茂 無疆之休 於萬斯年 天惟純佑命則商實 維天之命於穆不已 卜世三十 卜年七百

○帝德藝文類聚初學記雜祿成篇

尚書堯典曰若稽古帝堯曰放勳欽明文思安安允

恭克讓光被四表格于上下克明俊德以親九族
周書曰文王在鎬召太子發曰我身老矣吾語汝我
所保與我所守傳之子孫吾厚德而廣惠不為驕侈
不為泰靡童牛不服童馬不馳土不失其宜萬物不
失其性天下不失時以成萬材萬材已成牧以為人
天下利之而勿德是謂大仁 禮記曰子曰舜其大
智也與舜好問而好察邇言隱惡而揚善執其兩端
用其中於民其斯以為舜乎 大戴禮曰宰我曰請
問帝堯孔子曰其仁如天其智如神就之如日望之
如雲富而不驕貴而不豫 又云昔者禹見耕者五

王之邑則下為秉德之士存焉 論語

為君也巍巍乎唯天為大唯堯則之蕩

名焉巍巍其有成功也煥乎其有文章

曰伏羲德洽上下天應以鳥獸文章地

勢乃則象作易 白虎通曰王者承天

德而至德及天即斗極明日月光輝

禾生莫莢起德至鳥獸即鳳皇翔

九尾雉白首白鹿見德至山陵即

黑丹山出器車澤出神馬德至

河出龍圖雉出龜書江出火

耦而式過十室
曰大哉堯之
蕩乎民無能
禮含文
應以龜書伏
順理故符瑞應
露降德至地即
鸞鳥舞麒麟臻
景雲出芝實茂
淵泉即黃龍見
醴泉涌

禮記卷之四十四

祥風至 孟子曰雞初鳴

雞初鳴而起孳孳為利

一善言見一善行若

曰昔文王請入雒

刑天下皆說俯

格之刑 及

之 論籥

德持酒也

田子曰禮

四時也

貝海出名珠德至八方即

而起孳孳為善者舜之徒也

者蹠之徒也蹠盜也又曰舜

决江河沛然莫之能禦也 韓子

西地赤壤之國方千里以解炮烙之

尼曰大哉文王輕千乘之國而請解炮

曰文王伐崇至黃鳳墟而襪繫解乃自

曰文王飲酒千鍾孔子自觚言聖人能以

如一坐千鍾百觚此酒徒非聖人也 淮南

大乙者牢籠天地殫歷山川含吐陰陽中漢

綱八極經緯六合覆露照導普汜而無私翺飛蠕動

莫不仰德而生 呂氏春秋曰周文王使人相地得

死人之骸吏以聞於文王文王曰更葬之吏曰此無

主矣文王曰有天下者天下之王也有一國者一國

之主也遂令吏以衣冠更葬之天下聞之曰文王賢

矣澤及骸骨 符子曰堯曰余坐華殿之上森然而

松生於棟余立楹扉之內霏然而雲生於牖雖面雙

闕無異乎崔巍之冠蓬萊雖背墉郭無異乎迴巒之

縈崑崙余安知其所以安榮 帝王世紀曰神農氏

有聖德始教天下種穀故號神農氏諸侯夙沙氏叛

不用命箕文諫而殺之炎帝退而修德夙沙之民自
攻其君而歸炎帝 又曰湯出見羅者方祝曰從天
下者從地出者四方來者皆入吾羅湯曰嘻盡之矣
非桀其孰能為此哉乃命解其三面而置其一面更
教之祝曰欲左者左欲右者右欲高者高欲下者下
吾取其犯命者漢南諸侯聞之咸曰湯之德至矣澤
及禽獸况於人乎一時歸者三十六國 又曰武王
自孟津還及于周見囑人王自左擁而右扇之 史
記曰孔子言必世而後仁善人為邦百年亦可以勝
殘去殺矣誠哉是言漢興至孝文四十有餘載德至

盛也 續晉陽秋曰簡文帝弱而惠異中宗深器焉
及長美風姿好清言舉心端詳器服簡素與劉惔王
濛等為布衣之遊 前漢張禹傳曰成帝敬厚禹禹
每病輒以起居聞車駕自臨問之上親拜禹牀下

帝德二

北堂書鈔 案此有與
人部德篇重出者刪去

德象天地 積善之厚 天子至貴與天地通氣
敷大德為天下 德侔往初 德通幽冥 道得眾
則得國 運天地 德繼世 四王樹德 三王先
德 先道德 惟行道德 知順道德 道德為師
友 仁義以為明 創道德之囿 弘仁惠之虞

冠道德 履純仁 備道全美 道德盈塞 至道
以王 道猶衢樽 皇道煥炳 君積於道 布德
和令 振民育德 黎民敏德 樹德務滋 明聖
鑒德 用明顯德 表功明德 咸有一德 恒以
一德 惟天佑于一德 惟民歸于一德 其德不
回 履德之基 經德秉哲 以德為車 觀武如
德 苞元履德 位在德元 聲德達遠 貊其德
音 其德克明 周世修德莫若太王 羣黎百姓
徧為爾德 日新之謂盛德 盛德光亨 盛德可
詠 任德緩刑 明德慎罰 矢其文德 文以應

民 好文不武 通達文理 通風雨 歷日月
與日月齊光 若晝夜有恒 承天意 言天文
聲重天地 經天緯地 與天轉運 先天而順
則天象地 天下同利 光宅天下 承天紀民
天子經畧 天然之姿 天地之姿 天子特生
行猶河海 材質高妙 飛英聲 馳英聲 令聞
不已 絕世之主 亞聖之才 寵綏四方 君子
之光 敬之若神明 神明之主 聰明齊聖 聰
明睿智 穆穆在上 煌煌盛美 顯顯令德 定
禮樂明舊章 左準繩右規矩 身為度聲為律

四統者具 四本咸具四海咸利 動靜不失其時
繼韶夏 崇號謚 五帝之隆 三代令王 得
萬國之心 光于四方 崇冠百代 尊賢容眾
備物致用 允文允武 克長克君 一人元良
一哉王心 高朗令終 民樂其治 溫慈惠和
聰明仁勇 醇美皓然 優游博行 見善則遷
號令溫雅 四三王而六五帝 順天地之紀 堯
文煥炳 最為高明 巍巍乎舜禹之有天下 禹
好善言惡旨酒 乃聖乃神乃文乃武 不競不絀
不剛不柔 如金如錫 如珪如璧 如珪如璋

今世令望 溥博如天淵泉如淵 覆物崇天載物
弘地 象天統物象地載物 如天之無不博也
如地之無不載也 牢籠天地 彈壓山川 履四
時以象天 依鬼神以制義 含義孕農 光軒熙
堯 篚歆玄黃紹我周王 百辟卿士媚于天子
秩秩斯干 幽幽南山 赫赫厥聲 濯濯厥靈
文王飲千鍾未保鴻名 生荷其榮沒垂其聲 垂
德後裔 抱弓而號 削木為像 象符 朝其衣
冠

帝德三帖白

帝三 卷三十五 帝德

孝理 化成 理定 禮制 教成 悅隨聖人順動而欣

戴 樂推 悅服 垂拱 恭已 大同同和 富有

下 膺命誕膺天命 立德立大中 帝道 王猷 法天地德之

作父母作民父母 蓋如天蓋天之 民猶體民猶體 九功九功惟序

金木土穀正德金木土穀正德 九功九功惟貞 式於九圍帝命式澤

及四海 承天休承天之休 建皇極 四時成 萬物覩

有善讓天天子有善 惟德動天 納隍之慮 解

網之仁湯 德配天地 明並日月 正位凝命 勝

殘去殺 聲教無為 禮樂明備 表正萬邦 守

在四夷天下有道 天下為公 海外有截 萬邦作孚

百姓為心以百姓之心 不嚴而理 無為而治 天下

自正 天下和平主道 覆載所及 之於升平 照

臨所加納之於仁壽 文治 文明 休明 聰明

泣辜

體仁北堂書鈔

何以守位曰仁 體仁足以長人 其仁如天 仁

育萬物 仁以接物 仁風遐揚 仁風潛扇 仁

義為巢 仁義為郭 仁義為準 仁義為繩 醉

於仁義 陰行仁義 履行仁義 克寬克仁 寬

仁篤仁 寬仁溫惠 仁而愛人 本仁祖義 仁

如騶虞 蹈顏子之仁 仁智明達 仁及草木

仁歌行葦 視民如子 視民如傷 兼愛百姓

弗侮鰥寡 敬老慈少 慈幼養老 嘉孺子 哀

婦人治詳帝 蔭暍人於樹下 扇暍 更葬帝王世紀 好

生之德洽於民心 無肆掠止獄訟 挺重囚益其

食 省囹圄 出輕繫 除肉刑 泣罪人 去網

去鉤 焚鴆 春田不澤圍 田獵唯時不烹童羊

童小也 無煞孩蟲胎天飛鳥 川澤不入網罟以成魚

鱉之長山林不登斧以成草木之長汲冢周書 王在靈囿

麀鹿攸伏詩 芄芄黍苗陰雨膏之 方苞方體維葉

泥泥

○行義北堂書鈔

君能制命為義 利物足以和義 仁義為巢 以

義制事 修德立義 可謂義主

○行禮北堂書鈔

務行禮 親有禮 嘉會合禮 老少有禮 率禮

無違 克岐克嶷詩

○帝孝采藝文類聚

白虎通曰王者孝道至即蓬蒲出庖厨不搖自扇於

飲食清涼助供養也 帝王世紀曰舜母早死瞽瞍

更娶生象傲而父頑母嚚咸欲殺舜舜能和諧大杖則走小杖則受年二十始以孝聞

帝孝二 北堂書鈔

克諧以孝 書 永言孝思 詩 永錫爾類 詩 孝子不賈恭

奉遺業 夙夜敬止 惟余小子 昧爽定省 至孝惻

隱 仁孝能德 舜大孝 禹致孝 孝友聞於四

方 仁孝聞於天下 不足解憂 富有天下 不忍言

政 履大舜之孝 建武王之政 兼先聖之孝

如家人之禮 五日一朝 三年不言 不暇食粥

悲不能寐 真覺悲 仰見榱桷 俯視几筵 視鏡

奮而流涕 為木主不自專 完廩 營洛 邑如武

烏集 庭 蒲扇 前 烏瑞臻 甘露降 案本作天子孝

帝孝三 帖

至德要道 子曰先王有至德要道以順 天經地義 夫

天之經也地之義也是以其教不肅而成 加於百姓

刑於四海 天子之德教蓋 君子篤於親 則民興於仁君

至孝近乎王 乎至悌近 因親以教愛 先王見教之可以

教敬因親 由本以生教 夫孝德之本也 民興於仁

民德歸厚 聖人 萬國歡 先王之歡心是以天下和平

災害不生 五十慕 孟子曰舜其大孝矣五十 置塞天地

施無朝夕

曾子曰夫孝置之而塞乎天地溥之而大橫乎四海施諸後世而無朝夕之期

孝

子曰舜其大孝也與德為聖先之以博愛而人尊為天子富有四海之內博愛民莫遺其親

莫遺

詳上不儉孟子曰君子不以天下儉其親

○儉德一

藝文類聚初學記雜採成篇

周書曰文王在郃召太子發曰吾栝柱而茅茨為人

愛費 論語曰子曰禹吾無間然矣菲飲食而致孝

乎鬼神惡衣服而致美乎黻冕卑宮室而盡力乎溝

洫 墨子曰堯堂高三尺土階三等茅茨不翦 尸

子曰人言居天下者瑤臺九累而堯白屋黼黻九種

而堯大布宮中三市而堯鶉居 淮南子曰人之所

以樂為天子者以其窮耳目之欲而適躬體之便也

今高臺曾榭人之所麗也而堯采椽不斲斥題不斲

言梁柱相斥珍惟竒味人之所美也而堯糲梁之飯

昨不着枿櫨藜藿之羹文錦狐白人之所好也而堯布衣掩形鹿

裘禦寒養生之具厚不加增之以口大任重之憂故

舉天下而傳之舜若釋負然 史記曰孝文帝即位

二十三年宮室苑囿狗馬服御無所增益有不便輒

弛以利民常欲作露臺召匠計之直百金帝曰百金

中民十家之產吾奉先帝宮室常恐羞之何以臺為

所幸慎夫人衣不曳地幃帳不得文繡以示敦朴

又曰武帝問東方朔曰吾欲化民豈有道乎朔對曰願近述孝文皇帝之時當世耆老皆聞見之貴為天子富有四海身衣弋綈足履革舄以韋帶劔莞蒲為席集上書囊為殿帷王隱晉書曰武帝太始七年三月詔大官減膳又曰有獻雉頭裘者上曰異服奇伎典制所禁也宜於殿前燒裘敕有異服者依禮致罪沈約宋書曰武帝清簡寡欲嚴整有法度未嘗視珠玉輿馬之飾後庭無絲竹之音寧州嘗獻琥珀枕光色甚麗將北征以琥珀冶金劍上大悅命擣碎分賜諸將平關中得姚興從女有盛寵以之廢事

謝朓諫即時遣出宋臺建有司奏東西堂施扃脚牀銀塗釘上不許使用直脚釘用鐵又曰武帝大明中壞上所居陰室其處起玉燭殿與羣臣觀之牀頭有土障壁上挂葛燈籠麻繩紉侍中袁顛盛稱上儉素之德故能光有天下克成大業者焉

儉德二

北堂書鈔

克儉于家 德儉而度 儉以足用 以儉率下
飭德以儉 儒行清約 用文景之儉 慕古人之
風 奉養有節 愛民節財 敦本息華 弗殖貨
利 奇恠弗視 珠玉弗服 不持珠玉 藏金於

山 抵壁於谷 木器無文 器服踈素 用陶者

器 堯白屋尸禹甲官論柱弗藻 地無黝丹 垣

無白堊 文王甲服 卽田功康功尚堯帝大布

禹衣細布 冬日鹿裘 夏日葛衣 飲泉水 衣

皮毛 澣濯故衣 衣無文繡 後庭無紈綺 大

路越席 推甲乙帷 補壞屏風魏牀用直脚 勿

送冰紈 聽燒鳳膠 堯乘素車玄駒 湯寢黃屋

之駕 不好鮮飾 常乘故車 歸璇臺之珠 歸

諸侯之玉 歸諸侯女 殺熊賜士 還千里馬

還獻馴象 酒酸不易 食用宿肉 唯設白粥

官無嬪媵之燕囿無般樂之豫 廢池籟之官罷百

戲之樂

○睦親北堂書鈔

惇叙九族 以親九族 親睦九族 篤厚親戚

愛樂諸弟 以為首命 立愛惟親立敬惟長 兄

及弟矣式相好矣 宜兄宜弟令德壽愷 戚戚兄

弟莫遠具爾 凡今之人莫如兄弟 友于之志通

於神明 或肆之筵或授之几 迎拜於階 奉觴

上壽 置其驛馬傳起居 興席改容與車升殿

君子不弛其親 能庇昭穆之門 葛與女蘿施於

卷二十一 睦親

松柏 縣縣葛藟在河之滸

○齊聖 北堂書鈔

睿作聖 書 明莫若聖 王弼 聖而預知 列仙傳 聖德玄達 子桓

聖德炳著 東觀漢記 聖敬日躋 詩 聖人感人心而天下

和平 聖人動順刑罰清而民服 並 聖人無常心以

百姓為心 老子 聖人無心與眾同欲 左傳 神代潛通 左氏

叡通知 大戴 知幽明 周易 乘二地 莊子 知幾其神乎 見幾

而作 樂天知命 並 性與天道 論語 窮神知化 神而

服之能研諸侯之慮能通天下之志成天下之物 並

得天下之意 操 萬物之理 與時偕行 隨時之義

極深而研幾 並 窮萬物之始終 家語 不疾而速不行

而至 變而通之以盡利 並 不聞亦式不見亦入

○克明 北堂書鈔

元首明哉 欽明文思 並 尚 重明麗正 易 清明在躬

惟明克允 尚 明德惟明 明四目達四聰 尚 明德

遠矣 察其明德 並 予懷明德 詩 明德劭令 其

德克明 詩 明以察微 史記 仁明謙恕 温慈惠和 並 東

德協於下惟明后 聖聰明作元后 並 尚 聰明神

武 潘岳 西征 聰明敏達 東觀漢記 明明天子令聞不已

明明在下赫赫在上 詩 明明於天道 易 與日月並明

禮用日月之時後漢繼天而象日帝王世紀宜照天下易明

鏡於三光曹植照臨下土毛詩民之情偽盡知之矣左傳微

顯闡幽易蠲其大德左傳而難任人明命在天類

族辨物易簡練臣下光武斷簡功能魏書幽枉必達後漢侯

帝不容漢明以聰察下漢記文武鑒斷晉陽秋斬告

蕭何者楚漢春秋促理蔣濟出詳神智篇

○知人北堂書鈔

知人則哲明作則書擇子莫若父擇臣莫若君左傳殷

湯聘伊尹孟子文王拔呂尚後漢舉韓信於行陳取陳平

於亡命卜式拔於芻牧日磧出於降虜漢書拔于禁

於行陳荀公達人之師表魏舒堂堂人之領袖

安劉氏者必勃史記汝狀有反相漢書高祖相吳王濞

○神智採藝文類聚

漢高帝紀曰上東擊韓信餘寇於東垣還過趙趙相

貫高等耻上不禮其王陰謀欲弑上上欲宿心動問

縣名何曰栢人上曰栢人者迫於人也去弗宿薛

瑩漢紀曰王莽之際天下雲亂英雄並發其跨州據

郡僭制者多矣人皆有冀於非望然考其聰明仁勇

自無光武儔也加以寬博容納計慮如神是以任光

竇融望風景附馬援一見覩顏識竒故能以十數年

帝王卷二十一 神智

間掃除羣凶清復海內豈非天人之所輔贊哉古者
師不內御而光武命將皆授以方畧使奉圖而進其
有違失無不折傷意豈文史之過乎不然雖聖人其
猶病諸 魏志民有誣告蔣濟為謀叛主帥者太祖聞
之曰蔣濟寧有此事有此事吾為不知人也此必愚
民樂亂妄引之耳促理出之

神智二 北堂書鈔

智以藏往 易 其智如神 唐堯 智周萬物 易 智落天地 莊子
知微知章 易 知人則哲 書 知道大道 戴大 能哲而愚
獨見先識 姚信 策慮深遠 諸葛亮 聰以知遠 史記五帝本紀 欲宿

心動 漢高帝 坐知千里 光武

○誠信一 採藝文類聚

東觀漢紀曰更始遣使者立上為蕭王又擊破銅馬
受降適畢賊亦兩心上勅降賊各歸勒兵待上輕騎
入按行賊營賊曰蕭王推赤心置人腹中安得不投
死由是皆自安

誠信二 北堂書鈔

所助者信 易 其言可信 史記 克寬克仁彰信兆民 詩成
王之孚下土之式 詩 信及豚魚 易 惇信明義 書 履信
居仁 漢世祖 日月之信 陳思王表 疾行不輟 呂氏春秋 夢以許之

賈誼新書

○弘量一採藝文類聚

東觀漢記曰更始以上為大司馬遣之河北安集百姓破邯鄲誅王郎入官收文書尋得吏民謗毀上言可擊者數千章上會諸將燒之曰令反側子自安也越絕書曰湯行仁義天下皆一心歸之當是時荆伯未從也湯於是乃飾犧牛以事荆伯乃媿然曰失事聖人禮乃委其誠心

○弘量二北堂書鈔

闊達大節陸績太玄經序恢廓大度東觀漢記寬大長者史記高祖意

豁如也漢書高紀開心見誠東觀漢書弘裕有餘袁山松後漢書君人

之量魏氏春秋瑾瑜匿瑕國君含垢左氏傳含垢藏疾容受

直言魏書荆伯不從犧牛以事越絕書吳王不朝就賜几

杖漢書張武受賂金錢賜之史記文帝尉佗稱帝報之以德

史記文帝匈奴背約不發兵深入史記文帝隗囂上書報以殊

禮東觀漢書忍容言者含咽臣子之短風俗通云燒吏民謗言

東觀漢書焚訐下人書魏志反支受奏范曄後漢明帝

○好學一採藝文類聚

東觀漢記曰明帝以東海王立為皇太子治尚書備師法兼通四經畧舉大義博觀羣書以助術學 又

帝王 卷二十三
曰孝和皇帝章帝中子也上自岐嶷至於總角孝順
聰明寬和仁孝帝由是深珍之以為宜承天位年四
歲立為太子初治尚書遂兼覽書傳好古樂道無所
不照上以五經義異書傳意殊親幸東觀覽書林閱
篇籍朝無寵族惠澤沾濡外憂庶績內勤經藝自左
右近臣皆誦詩書德教在寬仁恕並洽是以黎元寧
康萬國協和符瑞八十餘品帝讓而不宣故靡得而
紀

好學二 北堂 書鈔

學有緝熙于光明毛詩博學篤志通於神明衝行辟雍

之間禮 入東學上親而貴仁入南學上齒而貴信
入西學上賢而貴德入北學上貴而尊爵入太學承
師問道漢書入小學通孝經章句東觀學於老龍吉莊子受
詩於仲翁漢書長大好學帝王世紀長大勤學論喜古學東觀
明古學帝王世紀好古學道東觀好古博聞續漢書耽於典藝
東觀垂思典藝漢書服膺文藝虞預壯大好儒漢書好學明
魏武垂意經學東觀備歷五經論兼通四經東觀表章
六經漢書博綜六經好黃老晉中備歷諸子論博覽羣
書魏文周覽古今東觀考合古今桓子博學多識列御
講堂東觀幸太學魏志講論文藝漢書正坐自講 稽合圖

識東觀手不捨書魏志甲夜讀書丙夜講經東觀永夜思經

傳魏志集談士紀延儒林崔駰左右誦書東觀求天下遺書

武遊六藝之圃翔翔乎書圃司馬相如會儒白虎館東觀集

儒肅成問魏書外有太史之藏內有祕書之府劉歆

○尊師北堂書鈔

能自得師者王書尊師重道 承師問道漢書好學尊

師東觀天遺六韜天受師書學於老聃莊子師於風后 師

事子威東觀孔光置几詳太師桓榮賜爵詳太子拜於牀下

詳帝德篇

○謙讓北堂書鈔

謙尊而光卑而不可踰 謙謙君子卑以自牧 自

上而下其道大光並易神農治天下不以智自貴 放

桀南巢唯有慙德 聖人之弘也猶有慙德 予恐

來世以台為口實 若聖與仁則吾豈敢 尚賴匡

救之德 未及師保之訓 未堪家多難予又集于

蓼 不聰敬止日就月將 於乎悠哉朕未有艾

於乎一人不益于德 歸福朕甚愧 見鄉人便慙

汗七十二代 屈已之明 虛靜自慎率心成諒

仁順謙懿 允恭克讓 讓德於天 辭為天子

退為匹夫 堯讓許由 舜讓善卷 禹讓稷契

湯讓務光 舜避丹朱 禹讓商均 湯讓三千諸

侯 武王讓岐封 南鄉讓者再漢書文帝乃呼私奴命

駕返國宗晉中

○恭敬北堂書鈔

惟王之共 嚴恭寅敬 接下思恭 小心翼翼

畏天愛民 穆穆文王於緝熙敬止 敬慎威儀維

民之則 見五耦而式過十室而下詳帝德篇天子適諸

侯必謁其祖廟

○威儀北堂書鈔

威儀抑抑德音秩秩 穆穆皇皇宜君宜王 相維

辟公天子穆穆 正位凝命 臨朝淵嘿尊嚴若神

矜嚴方厲 威而不猛 動容進止 聖表有異

容止可觀 儀刑可象 長美風姿 舉止端詳

○寬惠北堂書鈔

寬以愛人 寬以濟眾 撫民以寬 代虐以寬

寬而有制 易簡之善 文王惠和 惠康小民

布惠於民王命於專禮周施德惠 惠鮮鰥寡尚子惠

困窮尚書施惠振窮淮南子賜寡貧窮禮分貧窮 恢弘

博施 德施周普 施祿及下 恩無不逮 以恩

悅人 澤潤生民 澤及天下莊子四海渥澤辛伯德澤

帝王 卷二十一 洋溢東觀澤如時雨 玄澤滂流 惠澤播於黎苗

潤八紘劉公幹苑彼桑柔毛詩

○納諫一采藝文類聚成篇

漢書叔孫通傳云惠帝為東朝長樂宮及間往數蹕煩民作複道方築武庫南通奏事因請問曰陛下何自築複道高帝寢衣冠月出遊高廟子孫奈何乘宗廟道上行哉惠帝懼曰急壞之 晉中興書曰元帝及遷鎮建業以顧榮為軍司馬禮接名豪設官分職隱恤士庶百姓歸心焉初性好酒王導深以為誠乃命左右進觴躬引覆之自是不復飲也

納諫二北堂書鈔

從諫則聖尚書說命從諫弗咈書伊訓從諫若流荀悅漢書從諫

如轉圜漢書梅福上書高祖納善聞諫若甘味唐子云聖人聞諫若茶聽親自防毛詩好謀能聽漢書高紀訪問善人詩以虛

受人 予違汝弼書饑渴直言 堯有衢室之問以下

詳總載敢諫之鼓 總街之庭 誹謗之木 語寡人

以獄訟者揮鞞詳帝治篇教寡人以事者振鐸鬻子註云鐸金鈴木

舌也所以事務有可行教寡人以義者擊鐘鬻子註云鐘金

為所欲言者以振鐸也語寡人以憂者擊磬鬻子註云磬聲也

教義者擊鐘也語寡人以憂者擊磬鬻子註云磬聲也

消燥而近于悲教寡人以道者擊鼓鬻子註云鼓以動物故動合於

帝王 卷二十五 三三 納諫

道也禹拜昌言文帝止輦風俗通今趣銷印漢張良傳揖酈

生之說納子房之策班彪王命論云急壞復道漢叔孫通傳詳前篇徹

書屏風范曄後漢書覆觴不飲詳前篇

納諫三帖賞諫拒諫附

懸賞齊威王出令曰能面刺寡人過者受上賞上書

賞於治省刑晏子一而言而齊侯省也三諫晏子常一日

卒公治曰昔晏子一曰五闕齊書齊王問輔政驕矜

三責我今孰責寡人乎五闕多過鄭方諫曰大王有

若無子則終不聞孤之過拜昌言禹則拜容直辭

漢成帝趙肅侯設樽能改論語能無從開予爾

容受直辭虛受虛受易君子以能改乎改之為貴開予爾

心或虛已問政下車史趙肅侯設樽於道樽蓋上施

白歌若有能獻直言者則發此樽飲求諸道有言逆

酒案禮白獸樽乃杜舉之遺誠也必求稽於眾稽於眾舍非用一言晏子曰令并斗之

諸道之高一石也累甲然後高也泣思三責具三建善

夫治天下者非用一士之言也旌立諫鼓堯設誹謗之木舜懸招諫之鼓

詢茲黃髮詢于芻蕘賞諫梅福請賞漢梅福上書

下之士民有上書諫可採取者秩升斗之祿賜以束

帛若此則天下之士發憤悶吐忠言嘉謀日聞于上

天下條貫國家表魏公勸諫魏太祖破烏桓還問前

重爛然可睹矣魏公勸諫魏太祖破烏桓還問前

皆厚賞之曰孤乘危僥倖雖勝天佐也不可為臣苟

常諸君前諫萬安之計故相賞後勿難言也直諫君宜賞恩

不匡其上尚或有刑能盡其

忠豈宜無賞臣道貴忠國章勸賞拒諫及雷會

忠豈宜無賞臣道貴忠國章勸賞拒諫及雷會

諫晉靈公復諫三進及雷攀檻漢朱雲直言帝令斬而後視之曰吾知過矣大臣怨周公曰不以注以用也君子去顧
曰不諫則危君諫則危身故君子上不聽則逃
為人臣三諫者有刑致敗誦言如醉聞典謨之言
不聽則逃之諫者有刑致敗誦言如醉聞典謨之言
也禮許逃亡如或患難臣不可即止
則去禮事君道合則去諫輒招危言以取罪逆忠
直比頑童忠讜杜口諫諍絕路不從逆耳之
言以致噬臍之患忠諫者謂之誹謗深計者
謂之妖言違宮之奇之言虞不臘矣拒伍子胥
之諫吳為沼乎秦違蹇叔之言而師敗陳復洩
治之諫而國亡洩治死之魯史書罪微子去矣
宣父稱仁

唐類函卷二十五終

唐類函卷二十六

明東吳俞安期彙纂

明嶺南霍蓋臣校訂

帝王部六 帝治 來遠 制作 興造 遷都 教化

誠懼 謀猷 用賢 勤勞 務農 責躬

○帝治一 藝文類聚初學 記雜採成篇

易曰古者庖犧氏之王天下也仰則觀象於天俯則觀法於地觀鳥獸之文與地之宜近取諸身遠取諸物於是始作八卦以通神明之德以類萬物之情又曰黃帝垂衣裳而天下治蓋取諸乾坤 論語曰

無爲而治者其舜也與夫何爲哉恭已正南面而已矣
春秋緯曰天皇地皇人皇兄弟九人分九州長天下也
春秋元命苞曰禹之時民大樂其駢三聖相繼故夏者大也
莊子曰赫胥氏之時民居不知所爲行不知所之含哺而熙鼓腹而遊
又曰昔宓成氏大庭氏柏皇氏軒轅氏尊盧氏伏羲氏當是時也
結繩而用之甘其食美其服樂其俗安其居鄰國相望雞狗之音相聞民至老死不相往來若此時則至治也
又曰舜問于堯曰夫王之用心何如堯曰不教無告不廢窮民苦死者嘉孺子而哀婦人此吾

所用心已
列子曰黃帝喜天下之戴已也養正命娛耳目乃喟然歎曰養一已治萬物其患如此於是放萬機舍宮寢退而閒居大庭之館齋心服形三月不親政事晝寢而夢遊於華胥華胥氏國不知距齊國幾千里
齊中蓋非舟車足力之所及神遊而已其國入水不溺入火不熱乘空如履實寢虛若處牀黃帝既寤怡然自得又二十八年天下大治幾若華胥國矣
呂氏春秋曰神農教曰士有當年不耕者則天下或受其饑矣女有當年不織者則天下或受其寒矣故夫親耕妻親績
鬻子曰禹之治天下也以

帝三 卷二十六
五聲聽門懸鐘鼓鐸磬而置鞀以待四方之士爲銘
于篋箴曰語寡人以獄訟者揮鞀 賈誼書曰周成
王問鬻子曰寡人聞聖人在上位使民富且壽若夫
富則可爲也若夫壽則在天乎鬻子對曰夫聖王在
上位天下無軍兵之事故諸侯不私相攻而民不私
相關也則民得盡一生矣聖王在上則君積於德化
而民積於用力故婦人爲其所衣丈夫爲其所食則
民無凍餓已得二生矣聖人在上則君積於仁吏積
於愛民積於順則刑罰廢而無天遏之誅則民得三
生矣聖王在上則使人有時而用之有節則民無厲

疾民得四生矣 帝王世紀曰帝嚳以人事紀官故
以勾芒爲木正祝融爲火正蓐收爲金正玄冥爲水
正后土爲土正是五行之官分職而治諸侯於是化
被天下 又曰帝堯命羲和四子羲仲羲叔和仲和
叔分掌四時方嶽之職故名曰四嶽也天下大和百
姓無事有五十老人擊壤於道觀者歎曰大哉帝之
德也老人曰吾日出而作日入而息鑿井而飲耕田
而食帝何力於我哉 又曰堯老命舜代已攝政尊
任伯禹稷契臯繇伯益時有苗氏負固不服禹請征
之舜曰我德不厚而行武非道也吾前教由未也乃

修教三年執干戚而舞之有苗請服立誹謗之木申
 命九官十二牧三載一考績三載黜陟幽明 又曰
 孝和之嗣世正身履道以奉大業賓禮耆艾動式舊
 典宮無嬪嬙鄭衛之燕囿無般樂遊畋之豫躬履至
 德虛靜自損是以屢獲豐年遠近風承 又曰文帝
 先與匈奴和親匈奴背約入盜然令邊備守不得發
 兵深入恐煩苦百姓羣臣如袁盎等稱說雖切常假
 借用之羣臣如張武受賂遺金錢覺上常發御府金
 錢賜之以愧其心專務以德化民是以海內殷富興
 於禮義 又曰文帝斷獄四百幾致刑措 漢書曰

孔子稱斯民三代之所以直道而行也信哉周秦之
 弊網密文峻而姦宄不勝漢興掃除煩苛與民休息
 至孝文加以恭儉孝景遵業五六十載之間至於
 移風易俗黎民醇厚周云成康漢言文景美矣 范
 曄後漢書曰明善刑理法令分明日晏坐朝幽枉必
 達外內無倖曲之私在上無矜大之色斷獄得情號
 居前世之上故後之言事者莫不先建武永平之政
 然而鍾離意宋均之徒常以察惠為言夫豈弘仁之
 度未優乎

帝治二

北堂書鈔

案本作至治

思治

識治附

人皇虛無六韜伏犧立卦易清淨無為說苑儼然玄默淮南

子允恭玄默東觀至治洞和陳思王天為公禮記無為而天

下化莊子垂拱天下治淮南子不為刑辟春秋不言而信易

不化而行列子不為而善韓康伯不降席而天下治子思

不罷而治說苑不設法度淮南子未使民化未賞民勸六韜不

知喜怒六韜其輪而不偽 不勞而成並淮南子功不賞賢

不使 人雖有智無所用之並莊子食鳥獸肉衣其羽

皮 汗樽杯飲 蕢桴土鼓並禮記不識不知詩鷓居

穀飲莊子浮游不知所來罔兩不知所往淮南子天下和

平孝經天下咸洽 天下和樂帝世紀天下化成易天下

懷安史記天下殷富杜篤論四海會同書海內勸慕王褒四

海為家史記四方無虞書海外有截毛詩海內又安薛瑩光

天之下至于海隅 至于海表罔有弗服並書澤及四

海毛詩守在四夷春秋以經四方毛詩皇化四遠曹植光被四

表 撫于五辰庶績其凝並書光被六幽班固上暢九垓

司馬相如洋溢八區揚雄密靜天下東觀德合上天化感無外

張景陽鎮撫方外淮南子協和萬邦書洽和萬國典萬方

底定陸機萬國咸寧易萬邦咸寧 萬國咸休並書九州

影從何晏九有有截 溥天之下莫非王土毛詩六合殷

昌張衡員首順風抱朴子迴首面內封禪書前番禺後椒塗

楊雄左湯谷右虞泉 東漸于海西被流沙 東包月

窟西暨日宿 繆經靜兆民 薛靜濟天民 宜民宜人

詩民宜其壽 新書保樂洽壽 國靜民康 充實殷

富子桓克內外無患 秋春民用和睦 孝人樂其性 子文民樂

其業 秋春四方樂業 觀黎民樂業 續漢吏無百里之徑

民無出門之役 東觀耕者讓畔 史田不侵畔市不務賈

淮南家給人足 稽樂道不拾遺 淮南單車露宿 東觀外門

不閉 史記民不反亂 秋春民無癘疫 民無反禍 賈國無

鰥民 毛詩刑錯不用 圉圉空虛 淮南曠者墨者宮者履

非前漢刑法志曰墨黥之屬非履 善為國者不師 春秋

無兵車之事 賈誼寢天下兵 冠偃武修文 書藏兵偃武

五刃不砥 三革不累 伊銷兵刃 史兵無血刃 書焚

甲兵 淮南收兵為鐘 史鑄戈為耨 左倒載干戈 也

虎皮 禮記載戢干戈 載橐弓矢 毛詩日辟國百里 馬駕

鼓車 劔賜騎士 東觀虎賁 脫劔 禮去劔 摺笏 偃伯靈

臺 司馬相如城復于隍 易丹塞收烽 玄微釋駕 歸馬華

山之陽 放牛桃林之野 書春無凄風 秋無苦雨 冬無

愆陽 夏無伏陰 秋春風不鳴 條雨不破塊 論甘雨以

時 淮南旬而一雨 論有滄凄凄 興雨祁祁 毛詩聖人

在上無雹 春庶草蕃蕪 書庶類蕃殖 毛詩百物阜安 禮

帝治

百穀用成書 松柏斯克 梧桐生矣 我黍與與我

稷翼翼 曾孫之稼如茨如京 我倉既盈我庾惟

億 亦有高廩萬億及秭詩並毛 太倉之粟露積於外

史 鹿濯濯白鳥嚶嚶 魚麗于罟 魚躍于淵

王在靈沼於物魚躍詩並毛 昆蟲闔澤同馬 無墮穀

地平天成書 泰階夷清禮 行同倫禮 人倫既正 朝

廷既治詩 無偏無黨王道蕩蕩無黨無偏王道平平

書 立我蒸民莫匪爾極列 山川鬼神亦莫不寧書 功

成作樂治定制禮禮 農夫詠于田禮 頌聲作于下禮

去鬢巷歌黃髮擊壤張景 老人擊壤逸士 小兒撫塵

應 思治憂天下之不治子列 在心天下說 憂勞百姓

子 殫心萬機晉 削心約志六 心愁憂苦帝王 念茲在

茲書 夙夜基命詩毛 昧旦不顯春秋 鷄鳴而起子孟 夙寤晨

興漢 坐以待旦書 日晏坐朝范 弗皇暇食書 曷不暇

食易 晝不暇食夜不暇寢賈 不貴尺璧而重寸陰淮南

子 高居遠望深視審聽六 識治識其政事書 內修政

事詩毛 治常清靜風俗 其治嚴靜春秋 養性愛民莊 畏天

而愛人戴 務德而安民 分德利民春秋 以樂樂民黃

公 守在約子孫 富其民文 綜核名實漢 循名責實石

總攝紀綱桓 專正人道白虎 總覽威柄革 朝無權臣

帝王 卷二十一 帝治

羲氏之王天下也始畫八卦造書契以代結繩之政

春秋元命苞曰湯之時其民大樂其救之於患害

故樂名大護護者救也 龍魚河圖曰蚩尤沒後天

下復擾亂黃帝遂畫蚩尤形像以威天下天下咸謂

蚩尤不死八方萬邦皆為弭伏 樂叶圖曰四時之

節動靜各有分職不得相越當以度行謂調露之樂

注曰調露和致於甘露 帝王世紀曰庖犧氏都陳

瑟三十六絃 又曰庖犧氏制嫁娶之禮 又曰

媯氏作笙簧 又曰神農氏作五絃之琴 又曰

項命飛龍効八風之音作樂五英以祭上帝呂氏春秋

曰帝顓頊令飛龍作樂效八風之音命之曰承雲 又曰帝嚳化被天下遂作

樂六莖以康帝位 又曰堯以尹壽許山為師夔放

山川谿谷之音作樂大章呂氏春秋曰帝嚳命咸黑

帝堯立乃命質為樂質乃效山林谿谷之音以歌 又曰舜作大韶之樂箏

韶九成鳳凰來儀擊石拊石百獸率舞故孔子稱韶

盡美矣又盡善也 呂氏春秋曰昔古朱襄氏之治

天下也多風而陽氣畜積萬物散解果實不成故

達作為五弦琴以來陰氣以定羣生

制作二 北堂書鈔

制而用之謂之法民咸用之謂之神繫辭制度數議

行易象天地以立制傳玄變天下之法禮含改正樂

易服色記禮制禮作樂史記作樂以應天制禮以配地禮記

天地變化聖人效之河出圖洛出書聖人則之立

象以盡意設卦以盡情偽聖人作易幽贊神明並

庖犧作易弘開大道占史伏羲作易綿絡天地楊雄

象日月敬授民時書聖人作歷黃帝造曆續漢立

時之制尸著九六之文帝王推三光立八節春秋治五

氣設五量大戴禮合五緯春秋正六宗拾遺記吹律定姓紀

鐘甄聲帝王省風作樂春秋作樂崇德易作樂防滿樂

黃帝作樂曰咸池樂緯少昊作樂曰九淵帝王禹作

武王作武並鄭注禮命咸黑為歌呂氏春秋命伊尹歌晨露

庖犧氏作瑟文王益其少宮南聽鳳以定律神

農作琴帝王朱襄作琴呂氏春秋黃帝庖犧作瑟世作簫

以象鳳風俗通禹作夏籥呂氏春秋曰禹立命皋陶使

伶倫作律呂氏春秋命咎陶作刑紀年黃帝作壇冕世木

治其絲麻以為布帛禮記上棟下宇以待風雨易樞其

木櫟以避羣害韓子重門擊柝以待暴客結繩為罟

以田以漁並易作網罟用禽鳥典鑽燧取火以化腥臊

韓子烹穀為粥燔肉為炙取犧牲以充庖厨帝王作

釜餽成火食之道古史考後聖有作范金合上禮記耒耨

之利以教天下 破木為耒以墾草莽並神農作耒

耜古弦木為弧剡木為矢 剡木為舟剡木為楫

斷木為杵掘地為臼 服牛乘馬以利天下 致天下

下之民聚天下之貨 易之以棺槨易之以書契並

以新書石從事魏以典論刻石魏黃帝作弩古以銅

為兵越黃帝躡劉武王作嬰世使馬鈞作司南車

魏採銅鑄鼎史鑄鼎象物春

○興造北堂書鈔

匠人建國辨方正位 體國經野並禮 始建城市而

營宮室 水地以縣周禮注曰於四角立植而縣以

而平 置槩以縣 眡以景周禮注曰玄謂槩古文臬假

地 尺之臬以縣正之 眡之 識日出之景周禮曰為規識

入之 畫參日景夜考極星周揆之以日毛規天矩地

張 審曲面勢 右社稷而左宗廟禮九經九緯經涂

九軌周禮注曰經緯謂涂也經緯之涂皆容方九軌

緯 左宗右社而朝後市周禮注曰王宮所居也宗祖

也 涂 宮度以几堂度以筵堂脩七 宮中度以尋野度以

步涂度以軌 內有九室九嬪居之外有九室九嬖

朝馬並周 宮隅七雉城隅九雉周禮注曰宮隅城隅

三丈高 環涂七軌野涂五軌周禮疏曰環涂謂遠城

一丈 環涂七軌野涂五軌周禮疏曰環涂謂遠城

一丈 環涂七軌野涂五軌周禮疏曰環涂謂遠城

一丈 環涂七軌野涂五軌周禮疏曰環涂謂遠城

一丈 環涂七軌野涂五軌周禮疏曰環涂謂遠城

一丈 環涂七軌野涂五軌周禮疏曰環涂謂遠城

一丈 環涂七軌野涂五軌周禮疏曰環涂謂遠城

野涂國外 經之營之庶民攻之不日成之經始勿亟

庶民子來 築室百堵 縮版以載作廟翼翼 採

之陬陬度之薨薨築之登登削屢馮馮百堵皆興馨

鼓弗勝 廼立臯門臯門有伉廼立應門應門將將

俾立室家 廼立冢土並 䟽龍首以抗殿張 既新

作於迎風增露寒與儲胥張

○遷都一藝文類聚初學

帝王世紀曰帝顓頊始都窮桑後徙商丘 又曰武

王伐殷以木承水自鄆徙都鎬 史記曰成王少周

公攝行政管叔蔡叔羣弟疑周公與武庚作亂周公

奉成王命誅武庚殺管叔放蔡叔以微子啟代殷後

國於宋周公行政七年成王長周公反政成王北面

就羣臣之位成王在豐使召公復營洛邑如武王之

意卒營築居九鼎焉曰此天下之中四方入貢道埋

均 吳志曰黃初二年孫權自公安郡都鄂改名武

昌 又曰黃初元年四月祭南郊即黃帝位遷都建

鄴

遷都二比堂

少昊徙曲阜帝王世紀 盤庚遷於殷不常厥邑于今五邦

古我先王將多前功書 匪亟其欲適追來考 作邑

于豐宅是鎬宗詩並召公相宅周公成周 維龜正之

武王成之 卜云其吉終焉允臧詩並非敢違卜用宏

茲賁書度其夕陽 度其鮮原 廼陟南岡 廼觀

于京詩並廼正厥位 奠厥攸居 建城市營宮室

太史抱法禮末命新邑 安定厥邦 未建乃家 四

方和會書並四方入貢史記民利用遷書

○教化北堂書鈔

聖人以神道設教詳帝治先王觀民設教易風以動之

教以化之詩垂世立教孔安國詩序垂裕後昆書宓犧

神農教而不誅 黃帝堯舜誅而不怒周書三皇設言

民不違 五帝畫象世順機何休公羊開物成務易克綏

厥猷書成天之道禮記取地之財大戴禮式和民則式

化厥訓 斂時五福 敷佑四方並書天之誘民詩因

民為制周制肇修人紀書長育之材詩則山高以居賢

依巽風以善俗 範圍天地之化而不過曲成萬物

而不遺 化而裁之謂之變推而行之謂之通 通

其變使民不倦神而化之使民宜之並易繫童善癉惡

樹之風聲書竝建聖哲樹之風聲左氏著之語言左傳教

之道藝禮童善癉惡以示民厚禮記四方風動惟乃之

休書天地尊化風俗通教思無窮易有卷者阿飄風自

南詩教之防利告之訓典左氏風以詩書以禮教親

則民不怨禮周以樂教和則民不乖以儀辨等則民

不越以俗教民則民不偷以刑教中則民不競

以誓教卹則民不怠以度教節則民知足以

世事教能則民不失職以賢制爵則民慎德以

勲制祿則民興功並周禮每歲孟春以木鐸徇于路書

正月朔日布王治于天下禮周教民播種淮南教民耕

農古史考教民食穀賈誼新書神農作教管子燧人教漁尸處

犧教獵尸教民漁田越絕教民巢居顏峻始學篇節水火大戴禮

禮化腥臊子韓養才以任地履時以象天禮大戴教化若

神淮南化如神明劉邵七萃加于百姓刑于四海孝經休風

偃物淳化玄通王粲七釋行于江漢詩聲暨海外七釋刑于

寡妻至于兄弟詒厥孫謀以燕翼子並詩有典有則

貽厥子孫書聖有謨訓明徵定保書德音孔昭視民

不怵追琢其章金玉其相詩

○來遠北堂書鈔

懷遠以德尚書誕敷文德尚書大禹舞干羽而有苗格書弗

寶遠物則遠人格無怠無荒四夷來王明王慎

德四夷來賓柔遠能邇安勸庶邦並書柔遠能邇以

定我王詩惟德動天無遠不届華夏蠻貊罔不率

俾海隅出日罔不率俾並書自西自東自南自北無

思不服詩方外百蠻無思不服漢書蠻夷率服書蠻夷

懷服禮大戴遠夷稽顙續漢書蠻夷皆服呂氏春秋夷狄思慕

奔稽顙委質重譯張景陽七命諸侯同日貢者五百國帝王

世桀無道囚湯後釋之諸侯八譯來者六國尚書大傳遠

方來譯至者十六國帝王世紀四方來附詩一時歸

湯帝王世紀一時歸桑穀合生四方來附詩一時歸

幽邦肆險遠國亡遐應場華詩延頸舉踵向風慕義馬

不砥屬詳帝功風雨所至莫不從助史記五帝本紀密須歸文

王呂氏春秋夙沙歸炎帝帝王世紀匈奴來朝漢書宣紀鮮卑

送壘晉中興書奇肱車至括地肅慎來貢書焦亮貢

沒羽帝王世紀歲貉貢良弓典論西戎獻劍列子周穆王征

吾之西胡獻柶十洲記云周穆王征西西旅獻獒書

越裳貢雉史記周本紀倭王獻錦魏志景初中倭獻

吉光毛裘武帝天漢三年西火浣以示百寮魏志齊

位西域重譯獻火浣布詔大王沈賀

將軍太尉臨試以示百寮大

表獻

○用賢

藝文類聚初學 記雜採成篇

尚書曰高宗夢傅說爰立作相王置諸其左右命之曰若金用汝作礪若濟巨川用汝作舟楫若作酒醴爾惟麴蘖若作和羹爾惟鹽梅若歲大旱用汝作霖雨 毛詩曰棫樸文王能官人也芾芾棫樸薪之栝之毛萇注曰芾芾木盛也棫白桤也山木茂盛萬民得而薪之喻賢人衆多國家得用蕃興也 左傳曰舜舉八凱使王后土以揆百事莫不時序地平天成舉八元使布五教于四方父義母慈兄友弟恭子孝內平外成 論語曰舜有臣五人而天下治孔安國

注禹稷契皋繇伯益 武王曰予有亂臣十人亂理也十人謂周公旦召公奭太公望畢公榮公太顛閎夭散宜生南宮适其一人謂文外也 管子曰桓公在灞管仲隰朋見忽有二鴻飛而過公歎曰寡人有仲父猶飛鴻之有羽翼 又曰昔黃帝得蚩尤明乎天道得太常察乎地利得青帝辨乎東方得祝融辨乎南方得大封辨乎西方得后土辨乎北方黃帝得六相而天下化 帝王世紀曰禹納禮賢人一沐三握髮一食三起 又曰文王敬老慈幼晏朝不食以延四方之士是以太顛閎夭散宜生南宮适之屬咸

至是為四臣 漢書曰高帝云夫運籌於帷幄之中
決勝千里之外吾不如子房鎮國家撫百姓給饋餉
吾不如蕭何運百萬之眾戰必勝攻必取吾不如韓
信三者皆人傑吾能用之此吾所以取天下也 又
曰上方欲用文武求之如不及始以蒲輪迎枚生見
主父而歎息羣士慕向異人並出卜式拔於芻牧弘
羊擢於賈豎 班彪王命論曰舉韓信於行陣收陳
平於亡命英雄陳力羣策畢舉此高祖之大畧所以
成帝業也

用賢二 北堂書鈔 一求賢 一優賢附

賢者國家之器用 欲霸王者託於賢 說 百僚師

百工惟時 書 萬邦黎獻共惟帝臣 諸葛元表 所寶惟賢

邇人安 書 任天下智力 魏志 以聖賢者為牧上賢下不

肖 周書 貴人而賤祿 禮記 害人在上國無幸民 左氏 禹稱善

人進不害人遠 不有君子其能國乎 能用害人

民之主也 並左氏 任能 禮記 使能 周禮 任才 尚計 吳志 知人

拔善 虞預 或以言揚或以德進 禮記 任賢得人 袁後漢 舉

不失德 左氏 拔奇取異不問僕隸 漢武 取士於賢不拘

卑賤 陸凱 唯其任也何賤之有 左氏 急賢甚於饑渴用

人速於順流 論典 收天下之傑 管子 朝九州之後 桓譚 救

用賢

禮名豪晉中興書網羅羣彥潘岳探海出珠舉網羅鳳羣

士慕嚮俊傑來仕曹植杖策北渡東觀鱗集帝宇曹植迎龍

鳳於廊廟抱朴子登俊又於壠畝王粲七釋林無被服山無

葦帶張景陽七命藜林之下無愁士江河之畔無隱夫劉向

河濱無洗耳之士曹植七啓淵藪無不收之歎傅玄七謨高宗

夢傳說書文王見呂尚伊中以幣聘伊尹孟子設壇拜

韓信漢書呂尚牧渭濱范曄後漢書樂道出獄吏拔足揮

洗揖酈生之說班彪王命論當食吐哺納子房之策二

老歸周揚雄四奇入漢揚雄舜駕五龍漢鼓六翻抱朴子漢

用三傑漢書魏基五儁葛洪使四面從五聖黃帝顓頊年

十五而佐黃帝 帝嚳年十五而佐帝顓頊黃帝

舉風后力牧史記舜左禹而右臯陶大戴禮使少皞王余

使祝融王火以句龍為后土古史命重氏為

南正古史分命羲仲宅隅夷 申命羲叔宅南交

分命和仲宅昧谷 申命和叔宅幽都 尊任伯禹

尊顯之官並書處羣臣之上諸葛亮表分掌四方各如已視

帝王世紀輔佐不阿淮南子智竭其策漢書勇奮其威虞丘壽

同心同德書同德度義左氏得力牧而為五帝先漢書

策得咎繇而為三王祖漢書舉后稷民除四死謂饑寒

問鬻子民得四生詳帝治十夫帝翼書九才亂武七順

帝王 卷二十六 用賢

五賢興邦二八登帝

魏文與曹洪書

爪牙信布腹心良平

儒雅則公孫弘董仲舒將相則張安世趙充國

並漢書

野無遺賢萬邦咸寧

俊民用章家用平康

道亮

天王

並書佐化于外

帝王世紀其惟吉士相我國家

既獲

仁人祇承上帝

格于皇天

格于上帝

並書藹藹王

多士

萋萋臣盡力

兩雅濟濟多士文王以寧

書樂只

君子邦家之基 樂只君子邦家之光

公侯干城

公侯腹心

維申及甫維周之翰

並毛詩衛青在位

淮南不敢謀

漢書

予曰有疏附予曰有奔走予曰有先

後予曰有禦侮

並毛詩

如石投水

河潤九里

東觀漢記冀得

其澤莊子魚有水

蜀志

鳳有翼

杞梓皮革自楚往也

天下之士多就之

孟子

俊又在官

罔匪正人

書六官

之長皆民譽

左氏

元首明哉股肱良哉

股肱喜哉元

首起哉

書

鴻彼晨風鬱彼北林

翩翩其羽亦集爰

止 振鷺于飛

南山有臺北山有萊

蕭蕭兔宜

椽之丁丁

無怨無惡率由羣匹

無競維人四方

其訓之

毛詩

求賢帝咨四岳

書明敷仄陋 敷求

哲人

勤於求賢

旁求俊彥

並書開求賢之路 求

賢如不及

漢書

我求懿德

詩

無幽不求

天賜賢人

夢帝賚良弼

並書

興能進賢

周書

舉賢

禮記

俟民 贊傑

俊月聘名七禮賢者月舉賢良文學漢書舉爾所知論語

枚卜功臣 聿求元聖 下民其咨有能俾乂 有

能奮庸熙帝之載並書一饋七起詳勤勞篇一食三起帝王世紀

方欲興文武 每食未嘗不在鉅鹿漢書仰山董子側席

後障賢者死尹優賢就賢體遠 尚有德禮尊有術

漢聖人養賢易大烹養賢易禮下賢者史記外禮宰相

漢待以殊禮東觀漢記待以師禮樊英列傳待以客禮楊彪天子

交匹夫孟周公下白屋家語五糶而式大戴禮三顧於廬

蜀軒轅膝行莊子文王趨拜 上親執轡書釋旄繫鞅

帝王拜於牀下詳帝德每為之拜魏志不冠不見漢書攬履

而起列傳遂至車前書引登御牀世說峻邀入輿臧榮緒

書為掘新井管子為設虛坐吳志子陵俱卧耳典子太非

吾吏 有莅任之方是以相屈晉中興書式商容廬帝王世紀

君其力就會魏志終祿其身嵇康高士傳封比干墓書載自

臨喪帝王世紀

○勤勞一藝文類聚初學記雜採成篇

抱朴子曰黃帝生而能言役使百靈可謂天授自然

體之者猶復不敢端坐而得道故陟王屋而受丹經

到鼎湖而飛流珠登崆峒而問廣成之具茨而事大

隗適東岱而奉中黃入金谷而諮子心論導養而質

玄素一女精推步則訪山稽力牧講占候則詢風后
著體診則受雷岐審攻戰則納五音之策窮神姦則
記澤之辭相地理則書青烏之說救傷殘則綴金
冶之術故能畢記秘要窮盡道真遂升龍以高濟與
天地乎罔極淮南子曰禹之趨時冠掛而不顧履
遺而不取又曰禹沐淫雨櫛疾風決江疏河鑿龍
門闢伊闕乘四載隨山刊木平治水土定七百國
嚮子曰禹飯一饋而七起曰吾不恐四海之士留於
道路也恐其留吾門也是以四海之士皆至禹當朝
廷門可以羅雀符子曰禹讓天下於竒子竒子曰
君言佐舜勞矣鑿山川通河漢首無髮股無毛故舜
也以勞報子我生而逸不能為君之勞矣帝王世
紀曰堯命禹以為司空繼鯀治水乃勞身涉勤不重
徑尺之璧而愛日之寸陰手足胼胝故世傳禹病偏
枯足不相過至今巫稱禹步是也史記曰黃帝代
神農諸侯有不從者從而征之未嘗寧居東至海登
桓山及岱宗西至崆峒登雞頭南至江登熊湘北逐
獯粥合符釜山而邑于涿鹿之阿遷徙無常行以師
兵為營衛

勤勞二

北堂書鈔

卷二十六

二

勤勞

惟德之勤 克勤于邦 與民用勤 勤思勞體

勤而禮下 勤于吏事 祇勤于德 夙夜弗逮 文

王既勤止 我應受之 自強不息 勞謙匪懈 憂

民救水越絕 閔不容息 禹愛惜寸陰帝王世紀 湯不棄尺

日 晝決獄 夜理書 夜不暇寢 夜分而寢

不懈于位 政事簡心 惟德日新 萬邦惟懷

不僭不濫 不敢怠遑 無怠無荒 四夷來王 過門

不入冠掛 不顧砥柱銘 荷鍤戴笠 櫛風沐雨 簪墜

不顧 身執畚鍤 自操耰耜 竝耕而食 盡力

溝洫 夫負婦戴 燒不暇拂 濡不給旋史路 手不生

爪脛不生毛 股無跋脛無毛 手生重繭 脛無

候朝 身親其勞 肌色黧黧

○務農北堂書鈔

務農重穀 命農勉作 竝耕而食 以勸農也尸勞

農勸民唯農是務國語 威戒農用國語 紀農協功 興鋤

利氓 農天下之本漢書 五穀萬民之命 民以食為

天史記 不耕受其饑詳帝治神農教 咨十二牧 食哉惟時尚書 歷

象日月星辰 敬授民時 寅賓出日 平秩東作尚書 嗟

嗟保介 唯莫之春詩 告布於萬民說 乃疆乃理 乃宣

乃畝詩 命我衆人 疇乃錢鏹 歲事來辟 稼穡匪懈

講明時播草木大戴禮播時百穀尚書率時農夫播厥百

穀詩初開藉田王隱晉書武帝乃以元日祈穀于上帝禮記乃

擇元辰親載耒耜月令天子親耕穀梁躬耕勸農風俗通天

子三推月令為大田張衡東京賦云藉千千畝之田潘岳藉田為藉

千畝禮記亦服爾耕十千維耦毛詩躬三推月令發止千畝

以帥萬國繆襲許昌宮賦田云冕而朱紘禮記履文鳥佩明珠陸

太玄經神農親耕治詳帝禹稷躬稼論語耕于鉅定漢書紀耕

于鉤盾漢書昭紀上耕于鉤盾弄田應劭曰時帝年

初為戲九歲未能親耕帝藉鉤盾宦者近署故往試

○責躬北堂書鈔

禹湯罪已其興也勃焉 山崩川竭為之出次左傳臺

榭不塗馳道不除穀梁日有食之天子不舉左傳罪當

朕躬弗敢自赦尚書萬方有罪在予一人予一人有罪

無以爾萬方尚書朕躬有罪無以萬方萬方有罪罪在

朕躬論語萬姓仇予予將疇依 百姓有過在予一人

並尚書禹見罪人問而泣之說苑湯旱而禱孫卿成王思

慕琴操剪爪湯截髮曹曄傳云操常出軍行經麥中令

中操曰制法而自犯之何以帥捨宮寢憂天子云黃帝

下請自刑因援劍割髮以置地也避正殿鍾離意別傳山崩川竭君為不舉左傳大荒

則不舉大禮則不舉 天地有災則不舉 邦有大

帝王 卷二十一 責躬

故則不舉並周禮年不順成食無樂禮大稜食不兼味

穀凡日月食令去樂 四鎮五嶽崩令去樂 大恠

異裁令去樂 諸侯薨令去樂 大札令弛樂 大

災令弛樂 大臣死令弛縣並周禮山崩川竭為之徹

樂左傳大札素服 大荒素服 大災素服並周禮年不

順成則素服素車禮湯之救旱素車白馬尸子云湯

素車白馬布衣身嬰白茅以身為牲當此時也絃歌鼓舞止降服垂縵傳云山崩

縵之垂

○誠懼一采藝文類聚

呂氏春秋曰成湯之時有穀生於庭昏生至旦而大

合拱史請卜其故湯退卜者曰吾聞祥者福之先也

見祥而為不善則福不至妖者禍之先也見妖而為

善則禍不至於是早朝晏退問疾弔喪務鎮撫百姓

三日而穀亡 韓詩外傳曰昔周文王寢疾五日而

地動東西南北不出四郊有司請曰臣聞地之動為

人主也今者君王寢疾五日而地動四面不出國郊

羣臣皆恐曰請移之文王曰奈何其移之也對曰興

事動眾以增國城其可移之文王曰夫天之見妖以

伐有罪我必有罪故天以罰我也今又專興事動眾

以增國城是重吾罪也不可請改行重善移之其可

以免乎於是遂謹其禮秩皮革以交諸侯飾其辭令幣帛以出禮俊士頒其爵列等級田疇以賞羣臣行無幾何而疾止

誠懼二 北堂書鈔

孔甲有盤盂之誠蔡邕論云武王有戒慎之鞞呂氏春秋大臣

不可不敬小臣不可不慎禮記除戎器誠不虞易君子

以恐懼修省易乾乾夕惕東觀漢書栗栗危懼尚書若火

燄燄尚書若殞深淵 若陟深山 凜乎若馭朽索

若蹈虎尾 夙夜祇懼不敢荒寧 明德慎罰 克

與明德 恪謹天命 克謹天戒並尚書天命靡常畏

天之威詩毛弗寧帝命 罔有逸言 無平不陂無往

不復易安而不忘危存而不忘亡易制治于未亂保

邦于未危 天道福善並書月盈則食 其亡其亡繫

于苞桑並易主不稽古無以承天東觀漢書君不密則失臣

機事不密則害成易言出乎身加乎民易撫我則后

虐我則讐 惟聖罔念作狂惟狂克念作聖 吉人

為善惟日不足凶人為不善亦惟日不足並書雖有周

親弗若仁人 見爾前慮爾後大戴禮武王鑑銘無私於物

惟賢是與王弼注用其道不棄其人左傳不親小事穀弗

寶遠物 弗惟逸豫惟以亂民書與其溺於人寧溺

於淵大戴禮盤銘曰云云溺於淵玩人喪德玩物喪

志書天子忘民則滅諸侯忘民則亡尸厥監不遠在

彼夏王書殷監不遠在夏后之世詩咋舌血英雄記

劉備覆觴不飲詳納

○謀猷一宋藝文類聚成篇

史記曰漢興孝文施德天下懷安至孝景不復憂異
姓而晁錯刻削諸侯遂使七國俱起合從而西鄉以
諸侯大盛而錯為之不以漸也及主父偃言之而諸
侯以弱卒以安漢安危之機豈不以謀哉 王隱晉
書曰武帝與羊祜張華謀伐吳朝士莫知也潛乃籌

量虛實為戰備孫皓而縛輿觀降

謀猷二北堂書鈔

作事謀始易信誠好謀漢三聖合謀琴操詢謀僉同書

其治多撥畧魏志親入問巷即賢人謀谷謀出惟惺決

勝千里東觀於錄王師遵養時晦納五音之策抱朴子

量敵受勝東觀因事設奇東觀我取天下可不以萬全漢書

圖畫成敗皆從所言東觀從命者克捷違教者負敗魏書

畫蚩尤像以威天下詳武為鳥銜書以感殷人呂氏春秋

獨車渡河漢書以少敵眾魏武前有梅林可以解渴世說

馬而語不及軍事魏武

巡行一北堂

時邁詩序云時邁也翔行穆天子傳云堯亭王秦履

州南徐射魚史記射蛟漢書雲蓋山海經風車春秋望翠蓋漢書

華蓋禮記載青旌禮記雲蓋山海經風車春秋望翠蓋漢書

載虎皮禮記登威路崔駰頌云是乘輿登天之靈之威路

旌之駕蒼龍禮記乘輿駟駟駕白駱乘玄駱駕鐵驪架龍

蠶紀年云架蠶蠶以為過鳩鵲文選云過鳩鵲望露

建元年中所作在雲陽甘泉宮之外漢武帝後我書後我書

蘇望君來漢書待有功諸侯待有功考制度乘兩儀

駕五行傳玄駕象車子韓飾玉輅劉棻舞九馬山海經駕八

龍楚辭登龍舟班固乘鳥舟穆天汎樓船漢武帝浮文鵠司

如求仙人漢書見玉女高高因名山禮名山書祠魏

公漢書問樂後史記至朔方史記歷鳴澤漢書問三老東

饗六軍魏書道舊故史記問吏民漢武在靈囿宴華池

帝先王卜征春秋王者應入禮章列觀風設教張衡視典

披圖舉功行賞省方觀民易至羣玉山穆天子

取玉三乘載玉萬隻升大比隆穆天子周流八丘淮南

周行天下春秋巡行邦國懽悅吏民觀造於祖爾孔

子格於藝祖書清道案行社清宮後往漢書巾車飾

路劉珍衛官填街漢書舊儀衛官雲旗逶迤駉羽蓋葳

路劉珍衛官填街漢書舊儀衛官雲旗逶迤駉羽蓋葳

魏王乘龍西濟戴大輿服東巡 靈龜負書 鳳凰覆

上並韓肅關史東巡碣石漢書旌旗百里魏志西登隴首漢武北出

蕭關史藏書策府 望祀九疑史望祀蓬萊漢書祠孔子宅東觀

祭橋玄墓魏武登單于臺漢書遊大樂野山海經舍于珠

澤 東遊黃澤並穆天飲于枝詩 觴于瑤池 殺

陵風雨春秋犬戎雨雪穆天子傳云天子北征犬戎命

王屬答王母謠穆天子傳曰天子觴西王母于瑤池

之云作秋風辭漢武帝秋風詞曰置酒舊宅東觀置酒

沛宮漢高新豐起舞史過沛作歌漢高祖過沛作歌曰

載之後車 從在屬車漢武王行洗乘石周禮已駕僕展

軫禮人皇駕六羽春秋神農駕六龍春秋伯萬御二龍括

圖穆王駕八駿穆天子傳黃帝馭紫蚪符帝堯駕白馬畧

神農出地輔春秋黃帝極天衢孫綽黃帝合鬼神韓子帝

譽通風雨春秋宿崑崙之阿穆天子適昆吾之丘符觀黃

帝之宮穆天飲丹巒之山抱朴升長松之澄登于宜

升于長坐鳳皇之堂聽和鳴飲左駿之血穆天子傳

于沙衍求飲未至七萃之士高奔戎飲白鶴之血又

刺其左駿之頸取其青血以飲天子飲白鶴之血又

天子乃遂東南翔行驅馳千里至于臣蒐之人獮奴

乃獻白鷓鴣之血以飲天子因具牛羊之滸以洗天子

之足注曰所以飲血益人 高祖自擊筑史明帝御墳

帝王 卷二十六 二十七

箴東觀巡北而羣鶴見漢書居山而鳳凰集劉珍祀四岳懷

百神穆天升春山望四野穆天秉玉戚方玉車楊執白

圭獻好錦穆天觀舊廬祠舊宅觀河洛受圖書

世乘雲閣而上下楊雄步雕輦以周遊沈千乘雷動萬

騎龍趨張衡賦千乘方轂萬騎龍翁應貞七章春夏乘龍秋

冬乘馬戴大南登熊山東至九山史記風伯進掃雨師灑

道韓子雲師灑路雷公驚蹕劉遠祖前驅松喬夾轂孫綽

卑方並轄蚩尤居前韓子至琅邪臺上鄒嶧山史記祭

於鐵山祀於郊門穆天河靈驚而承旗馮夷儼其操

軼劉珍吐風伯於南北呵雨師於西東楊雄

巡行二帖

白帖

案本作御遊

為度孟子曰吾王不遊吾何以休吾王不肆心左傳

王欲肆其心周行天下將皆必有車轍馬跡祭公遊

海齊景公遊海改洛之表十旬不返罔逸禹謨罔

淫于不歸詳上遊赤水黃帝休玄池穆天子傳云天子西

樂三日而終是日樂也登荆臺楚昭王登荆臺而

遊蘭臺楚襄王遊蘭臺之有遊豫從樂而不反者謂

之業無荒亡之行桓公再無怠荒書無怠露威靈楊

賦樂遠出而露威靈數搖動樂佚遊春原秋補管子

補先王之遊也春出原農事之不本者謂之遊秋出

補人之不足者謂之豫注原察也不本謂不修本務

帝三 卷二十一 三十一

也秋為西成尚春遊秋豫文選春遊以發生啓諸蟄

有不足者也仙衛 皇儀 帝容 從遊必蹕 盤

年之天仗 遊無度 崆峒問道黃帝之拜廣成 瑤池舉觴漢

武之宴王母

唐類函卷三十六

唐類函卷二十七

明東吳俞安期彙纂

明嶺南霍蓋臣校訂

帝王部七

帝功

武功

守文

中興

慕道

勅誠

撫勞

責讓

猜忌

微行

恩倖

奢侈

廢立

昏德

失政

禪位

登遐

○帝功一

采藝文類聚成篇

尚書堯典曰九族既睦平章百姓昭明協和萬邦黎

民於變時雍 淮南子曰黃帝治天下而力牧太山

稽輔之使強不得掩弱眾不得暴寡人民保命而不

帝三 卷二十七 帝功

天歲時熟而不凶百官正而無私輔弼公而不阿道
 不拾遺市不預賈城郭不閉邑無盜賊人相讓以財
 狗彘吐菽粟於道路而無忿爭之心於是日月精明
 星辰不失其行風雨時節五穀登熟虎豹不妄噬鷲
 鳥不妄搏鳳皇翔於庭麒麟遊於郊青龍進駕飛黃
 伏皐飛黃出西方其狀如狐背上諸北僭耳之國莫
 不獻其貢職皆北極之夷國又曰往古之時四極廢九州
 裂天不兼覆地不周載猛獸食精民精善也鷲鳥攫老
 弱於是女媧氏鍊五色石以補蒼天斷鼈足以立四
 極鼈大龜也殺黑龍以濟冀州積蘆灰以止淫水蒼天神

四極正淫水涸冀州平狡蟲死精民生背方州抱圓
 天 帝王世紀曰禹為司空功被天下棄為后稷播
 時百穀契為司徒敬敷五教臯繇為士典刑惟明倕
 為共工莫不致力益為朕虞庶物繁植伯夷為秩宗
 三禮不闕夔為樂正神人以和龍為納言出內惟允
 於是俊又在官羣后德讓百僚師師以五采章施于
 五色為服以六律五聲八音協治治用之和蒸民乃
 粒萬邦作乂庶績咸熙 又曰武王入殷商都置旌
 於商容之廬命召公釋箕子之囚賜貝千朋命原公
 釋百姓之囚歸琬臺之珠玉命南宮适散鹿臺之財

發巨橋之粟以賑貧民命南宮伯達史逸遷九鼎于洛邑命閔天封比干之墓命宗祀饗祀于軍微子膠鬲皆委質為臣殷人咸喜曰王之於人也死猶封其墓况其生者乎王之於賢仁也亡者猶表其廬况其存者乎王之於財也聚者猶散之况其復藉者乎王之於色也在者猶歸其父母况復徵之乎 史記曰帝顓頊高陽氏靜深有謀䟽通知事北至幽陵南至交趾西至流沙東至蟠木動靜之物大小之神日月所照莫不砥屬 王肅曰砥平也四方皆平而來服屬 又曰文帝專以德化民是以海內興於禮義 又曰文帝斷獄四百

幾致刑措

漢書曰

昭帝承孝武奢侈餘弊師旅之

後海內虛耗戶口減半

知時務之要輕徭薄賦與民

休息至始元元鳳之間

匈奴和親百姓充實舉賢良

文學問民所疾苦議

鹽鐵而罷權酷尊號曰昭不亦

宜乎

薛瑩漢紀曰明帝自在儲宮而聰允之德著

矣及臨萬機以身率禮恭奉遺業一以貫之雖夏啟

周成繼體持統無以加

焉是以海內又安四夷賓服

斷獄希少有治平之風

范曄曰顯宗不亦宜乎

後漢書曰自中興以後退于永元雖頗有施張而俱

存不擾是以齊民歲增

增土世廣偏師出塞則漠北

地空都護西指則通驛四萬豈其道遠三代術長前世將服叛懷來自有數也

帝功二此堂書鈔

案本一作功業

四本具即帝功立舉而措之事業功業赫赫

功盛德厚功侔太古功冠往代濟世之功

因時立功戡定厥功九鼎勒功告厥成功

九功惟序九序惟歌成天地之道輔相天地之

宜順通天下則有經營之迹鍊五色石以補蒼

天淮南鴻烈解云女媧陰帝佐處戲治斷鼈足以立

四極又云鼈大龜天廢軸以鼈足柱之楚殺黑龍以

濟冀州又云黑龍水精也力積殺之以止積盧

灰以止淫水又云蘆葦也生於水故積聚其補五帝

之漏日綴三后之頽綱表正萬邦綱紀八極

逆氣傷民絕止之陰陽沈維竅理之拯民沈溺

天子急務剖判太宗竅領天地理日月之行

治陰陽之氣嘗百草之實定眾物之名甄度四

海疏江橋川平均土地度九州分九州

開九州導四瀆植九藪鑿江而通九路九

河既道九州滌源治梁岐浮濟達河淮

沂其又蒙羽其藝大壑既瀦東原底平原

三苗既平 泉水既清 三危既宅 三苗丕叙 鑿昆
龍 開呂梁 修彭離 隄弱水 辟伊闕 決龍
門 開玉璽 澧水東注 維禹之績 天作高山 太
王荒之 弈弈梁山 維禹甸之 茫茫禹迹 畫為九
州 萬邦咸休 維王有成 績

○武功

藝文類聚 功 記雜採成篇

尚書湯誓曰 伊尹相湯 伐桀 升自陟 遂與桀戰于鳴
條之野 又曰 武王戎軍 二百兩 虎賁三千人 與紂
戰于牧野 又曰 武王伐桀 一月 戊午 師渡孟津 癸
亥 陳于商郊 俟天休命 歸藏啟筮曰 蚩尤出自羊

水 八肱八趾 踈首登九淖 以伐空桑 黃帝殺之于青
丘 樂稽耀嘉曰 武王承命 興師誅于商 萬國咸喜
軍渡孟津 前歌後舞 克殷之後 民乃大安家 給人足
酌酒鬱搖 鬱搖 喜貌 大戴禮曰 軒轅與赤帝戰于阪泉
之野 龍魚河圖曰 黃帝時有蚩尤 兄弟八十一人
並獸身 人語 銅頭鐵額 食沙石子 造立兵杖 刀戟大
弩 威振天下 誅殺無道 不仁慈 萬民欲令黃帝行天
下事 黃帝仁義 不能禁蚩尤 黃帝仰天而嘆 天遣玄
女 下授黃帝 兵信神符 制伏蚩尤 帝因使之主兵 以
制八方 蚩尤沒後 天下復擾亂 黃帝遂畫蚩尤形像

以威天下天下咸謂蚩尤不死八方萬邦皆為弭伏
說苑曰湯欲伐桀伊尹請且乏貢職以觀夏動桀
怒起九夷之師伊尹曰未可彼尚能起九夷之師是
罪在我也湯乃謝請服入貢職明年又乏貢職桀起
九夷之師九夷之師不起伊尹曰可矣湯乃與師伐
桀殘之遷於南巢 孟子曰湯居亳與葛為鄰葛伯
不祀湯使人問何為不祀曰無以供犧牲湯遺之牛
羊葛伯得而食之又不祀湯又問之曰無以供粢盛
湯使亳民為之耕老弱饋食葛伯率眾要其酒肉黍
稷者遮而奪之不以饗授者則殺之有一童子以黍
肉餉殺而奪焉湯乃與師伐葛伯天下聞之皆曰非
富天下也為匹夫匹婦復讐也 典論曰孝武承四
世之遺業遇中國之殷阜府庫餘金錢倉廩畜腐粟
因此有意乎滅匈奴而得清邊境矣故即位之初從
王恢之畫設馬邑之謀自元光以迄征和四五十載
之間征匈奴四十餘舉盛餘踰廣漠絕梓嶺封狼居
禪姑幕梁北河觀兵瀚海刈單于之旗剿闕氏之首
探符離之窟掃五王之庭納休屠昆耶之附獲祭天
金人之寶斬名王以千數馘酋虜以萬計既窮追其
散亡又摧破其積聚虜不暇於救死扶傷疲困於孕

重墮殞元封初躬執武節告以天子自將懼以兩越
之誅彼時號為威震匈奴矣 帝王世紀曰黃帝有
熊氏治五氣設五量及神農氏衰黃帝修德撫民諸
侯咸去神農而歸之黃帝於是乃擾馴猛獸與神農
氏戰于阪泉之野三戰而克之又徵諸侯使力牧神
皇直討蚩尤氏擒之于涿鹿之野使應龍殺之于凶
黎之丘凡五十二戰而天下大服 又曰諸侯有苗
氏處南蠻而不服堯征而克之于丹水之浦 又曰
顓頊生于若水首戴干戈二十登帝位平九黎之亂
又曰成湯有聖德諸侯有不義者湯從而征之誅

其君弔其民天下咸悅故東征則西夷怨南征則北
狄怨曰奚為後我凡二十七征而德施於諸侯 又
曰紂政彌亂殷太史向摯載其圖書而歸周王以告
于諸侯東至商郊牧野乃作木檐王鞶係解五人御
於前莫肯為王係鞶皆曰臣所以事君王非為係鞶
也王乃釋旄鉞而係之與紂戰紂師敗績禽費仲惡
來紂赴于京自燔于宣室而死二嬖妾與妲己亦自
殺乃以太白髦麾諸侯入殷商都百姓咸待于郊王
使告曰上天降休商人皆拜王亦答拜以兵入造紂
及妲己尸王親射之三發然後下車以劍擊之周公

為司徒使以黃鉞斬紂頭懸于太白之旗召公為司
空又使以玄鉞斬妲己頸懸之小白旗 又曰武王
四年起師而東遂率戎車至于鮪水甲子至于商郊
史記曰軒轅邑於涿鹿之阿遷徙無常行以兵師
為營衛 又曰武王修文王業東觀兵孟津為文王
木主載以車中軍自稱太子發言奉文王以伐不敢
自專遂與師渡于河時諸侯不期而會孟津者八百
諸侯皆曰紂可伐武王曰未可也乃還師居二年聞
紂昏亂滋甚殺比干囚箕子太師疵少師疆微子抱
其祭器而犇周於是武王乃渡孟津伐紂紂師皆倒

干戈以戰紂軍潰叛紂死 東觀漢記曰王莽遣大
司徒王尋大司空王邑將兵來征莽欲盛威武王齊
則虎豹犀象奇偉猛獸以長人巨無霸為中壘校尉
秦漢以來師出未嘗有也時漢兵八九千人二公兵
以五六十萬到遂環昆陽城作營且圍之數百重有
流星墜尋營營中正晝有雲氣如壞山直下營而不
及地尺而散吏士皆厭伏上選精兵三千人與戰大
破之殺司徒王尋赴水溺死者以萬數滎水為之不
流 魏志曰初帝自許昌南征諸軍兵並進孫權臨
江拒守帝幸廣陵收城臨江觀兵戎卒十餘萬旌旗

數百里 張衡東京賦曰我光武忿之乃龍飛白水
鳳翔參墟授鉞四七共工是除櫓槍旬始羣兇靡餘

武功北堂書鈔

載績武功詩無忘武功春秋皇矣漢祖聰明神武漢書武

皇之興神武蓋天曹植論云仁德內洽神武外照晉中興書徐

方既同天子之功 嗣武受之勝殷邁劉耆定爾功

並禁暴戢兵保定天下左氏明王之征猶時雨也大戴禮

文王之時民樂師興春秋南征北怨書前歌後舞樂禮

不言同辭越絕不占自來帝王世紀文王一怒能安天下孟子

頓戟一怒伏尸滿野管子天子之怒伏尸百萬戰國王奮

厥武如震如怒 王赫斯怒爰整其旅並相公征關

右赫怒震天威王粲詩天子出征爰成於學 天子出

征類乎上帝禮記帝王出征車載廟主虞決要注王用出征

易周王于邁詩殷受維命誓伐放橫書諸侯不義從

而征之帝王世紀受命誅橫順天之德春秋元命苞承害誅害

以從天心春秋兼弱攻昧推亡固存書黃帝伐九黎帝王

紀帝舜伐三苗詳帝德堯伐驩兜 禹伐共工 文王

伐崇 武王伐紂並孫卿子啟伐有扈帝王世紀啟征西河紀

武始北出禮記宣王北伐詩義和涵淫胤徃征之 誕

將天威咸劉厥敵 我伐用張于湯有光並保佑命

帝王 卷二十七 武功

爾燧伐大商 韋顧既伐昆吾夏桀 截彼淮浦王

師之所詩並四征弗庭綏厥兆民書式辟四方徹我疆

土詩晨舉脂燭過水拆舟示無返志說苑有苗不恭汝

祖征書赫赫明明王命卿士 整我六師以修我戎

王于興師修我戈矛 武夫洸洸 武夫滔滔並

詩耀兵饗軍 練師簡卒爰整其旅魏明振師五柞

習馬長楊楊戎車既飾詩乃駕騫冥之乘六韜元戎十

乘以先啟行左傳伯也執殳為王前驅詩前朱雀後玄

武左青龍右白虎儀禮以鷗鷖為旗幟列子以旌為和之

門周禮旌旗十里漢書汎舟萬艘魏文帝躬秉武節典論親御

龍舟魏志陣為不戰河圖陣于商郊書矢于牧野維予侯

興 致天之届于牧之野 敦商之旅 其會如林

牧野洋洋檀車煌煌並左杖黃鉞右秉白旄書武

王載飾有虔秉鉞書總于而立武王之事也禮記貌

貅戾獸黃帝教之戰劉子龍戰于野其血玄黃易戰於

鳴條 大戰于甘書血流漂杵書以爾鉤援與爾臨

衝 臨衝閑閑崇墉言言詩變化如神魏書變化無方

英雄龍舉翼起楚漢春秋龍舉雲興東觀誕將天威 將天

命明威 董之用威並以威天下易以威不軌左氏威

武紛紜司馬相如威靈外覆王傑四子輝武威荀悅威光

左掃曹植威光遠震劉劭威加四海漢書威震六合張儼威

震天下魏志罔弗祗畏書莫不震疊詩黃帝威四盜蔣

萬幾高陽平九黎並帝王五十二戰黃帝二十七征湯革車

三萬伐桀於鳴條並帝王甲士三千破紂於牧野淮南

子撥亂反正漢書折鐵摧木論衡罪人黜伏書攘除不軌

風俗修教為伐因土而降左氏嬰城者雲撤帶邑者席

捲抱朴子殺蚩尤於絕轡之野帝王世紀克殷誅紂尉繚并

項滅嬴傳玄古取秦如鴻毛舉楚若拾遺梅福斷脩蛇

禽封豕韓子斬銅馬破檀鄉後漢光武紀高宗伐鬼方三年

克之易孝武征匈奴掃五王之庭典論薄伐獫狁獫狁

于襄詩攘服四夷天下安然新序偏師出塞漠北地空

詳帝功蕩鬼區於白水禽矯制於遐川曹植南威百越

北攘匈奴劉歆斷匈奴隔玄菟劉歆威震赤谷賈逵武

義四加所征者服詳雄才霜雪被而茨棘枯絃綱振而

逆鱗掃詳中興總螭虎之勁卒即矯塗其如夷徐幹踰長

城之阻登單于之臺典論西壓月窟東振日域揚雄東臨

滄海西至玉門陳思王屠柳城度龍塞繆襲此蚩尤

之兵非人之力也史記執訊獲醜詩俘厥瑤玉書于疆

于理詩百戰百勝鄧析克殷年豐左傳班師振旅書殺

一夫而利天下六韜一戎衣而天下大定書庶民弛政

帝王 卷二十七 十一 武功

庶士倍祿禮記出征執罪釋奠于學禮記歸而飲至以數
軍實春秋拓土三千里往返速若飛王粲詩

○守文北堂書鈔

繼禹之道孟子行湯之政史記繼文之體春秋維清緝熙文

王之典儀式刑文王之典詩嗣守文武丕訓對

揚文武光訓宣文武業法文武遠迹帝王世紀有聲

繼伐昭哉嗣服下武繼文詩鴻胤奉統東觀丕承

基緒右隆世業漢書以奉大業東觀太平君子持盈守

成詩內修諸已思先王之道順命尊文書繩其祖

武詩克終允德書世德作求詩其承厥志書求保宗

廟總一海內漢書夏啟以先史記復命武王閔予小子

遭家不造維予小子不堪家多難肆不殄厥愍

亦不隕厥問並毛詩宣二祖之重光襲四宗之緝熙班固

世有哲后仁聖相襲陳思王周云成康漢言文景詳帝

治守文佳主晉陽秋

○中興藝文類聚初學記雜採成篇

漢書曰孝昭帝時太山萊蕪山南洶洶有數千人聲

民視之有大石自立高丈五尺大三十八圍入地八

尺三石為足立後有白鳥數千集其旁宣帝中興之

瑞也又曰孝宣之治信賞必罰綜覈名實政事文

學法理之士咸精其能至于技巧工匠器械自元成
間鮮能及之者亦足以知吏稱其職民安其業也遭
值匈奴乖亂推亡固存信威北夷單于慕義稽首稱
蕃功光宗祖業垂後嗣可謂中興侔德殷宗周宣矣

荀悅漢紀曰孝宣任法審刑綜覈名實聽斷精明
事業修理下無隱情是以功光前世號為中宗然不
甚用儒術是以德化不能純備續漢書曰昔羿寒
浞篡夏數十年少康生為牧人能修德復夏厥勲大
矣然尚有虞思及靡有鬲内外之助至於光武承王
莽之篡起自匹庶一民尺土靡有憑焉發迹於昆陽

以數千屠百萬非膽智之至孰能堪之討賊平亂克
復漢業號稱中興雖初興者無以加矣中國既定柔
遠以德愛慎人命下及至賤武功既抗又德聿修勲
績弘矣袁山松後漢書曰前漢自成哀已下天地
縱橫巨猾竊命劉氏舊澤猶存而瞻烏之望殆絕世
祖以眇眇之胤起白水之濱身屈無妄之力位舉羣
賢並列于時懷璽者十餘建旗者數百高才者居南
面疾足者為王公茫茫九州瓜分巒切濛濛蒼生塵
消鼎沸我扇之以仁風驅之以大威雪霜被而荻棘
枯橫網振而逆鱗掃羣材畢湊人鬼與能數年之間

廓清四海雖曰中興與夫始創業者庸有異乎誠哉
馬生之言固已寥廓大度同符高祖又等太宗之仁
兼孝宣之明一人之體其殆于周故能早有神器據
乎萬乘之上矣 東觀漢紀曰初伯升之起也諸家
子弟皆亡逃自匿曰伯升殺我及世祖至絳衣大冠
乃驚以為獨伯升如此謹厚者亦為之 帝王世紀
曰春秋興夏少康之起有田一成有眾一旅若漢之
策命世祖不階成旅之資平暴反正遂建中興夏少
康同美矣

中興二 北堂書鈔

功光祖宗

漢書

弘宣祖業

杜預

紹先之業

書

復先王之道

復文武之境上

並詩

復禹之跡

世紀

祀夏配天不失舊物

左傳興衰撥亂

詩

復見漢官儀

東觀

○慕道

北堂書鈔

宵然喪天下

莊子

輕四海之祿

漢武內傳

志存四海之外

符

得道貴而不驕

呂氏春秋

撤鍾懸而閑居

列子

去妻子如

脫躡

漢武

坐華堂森然如松生於棟而雙闕無異崔

巍之冠蓬萊

詳帝德

翳然林水便有濠濮間想說與元

通靈

白虎通

坐牀生塵

語林

問長生之術

請不死之藥

帝王世紀

至襄城之野

往崆峒之山

莊子

到峨眉見皇人抱朴子執玄壁見王母魏起穆天子傳見黃蓋

童子見紫府先生抱朴子黃帝候神人史封禪孝武好

方士東方朔云駕雲車史記燃九光燈設葡萄酒漢武帝傳立脩

莖之仙掌承雲表之清露張衡西京賦通靈接神抱朴子會

於西山韓子宴於閑館如相通天臺招仙人史記集靈宮懷

仙者桓譚新論築望仙觀三輔舊事作神明臺同上青鸞集殿武帝

故白雲趨宮同上西山為謠穆天子傳稷丘迎拜列仙傳玉女

為王母所臣巨靈告求道之法漢武故事王母授地圖

周書王母獻白環帝王世紀神女持酒孫丘篇王母仙桃武帝故事

嵩高見王母嵩山記甘泉王母降幽明錄云受道於玄素抱朴

子發紫臺之文漢武內傳象罔得珠莊子怡然自得列子役使

百靈抱朴子能總百神曹毗贊云朝使百神列仙傳息駕玄圃

符子云褰裳紫宸黃帝贊騎龍乃去史記升龍高躋抱朴子唯

劍為在列仙傳

○雄才采藝文類聚成篇

漢書曰漢承百王之弊高祖撥亂反正文景務在養

民至于稽古禮文之事猶多闕焉孝武初立卓然罷

黜百家表章六經遂疇咨海內舉其俊民與之立功

興大學修郊祀改正朔定曆數協音律作詩樂建封

禪祀百神號令文章煥焉可述後嗣得遵洪業而有

帝王卷二十七
雄才

三代之風如武帝之雄材大畧不改文景之恭儉以濟斯民雖詩書所稱何有加焉 荀悅漢紀曰武皇帝恢萬世業內修文學外耀武威延天下之士濟濟盈朝興事創制無所不施先王之風粲然存矣然猶好其文未盡其實發其始不克其終奢侈無限窮兵極武百姓空竭萬民罷弊當此之時天下騷然海內無聊而孝文之業衰矣 桓子新論曰漢武帝材質高妙有崇先廣統之規故卽位而開發大志考合古今模範前聖故事建正朔定制選俊傑奮揚威怒武義四加所征者服興起六藝廣進儒術自開闢

以來唯漢家最為盛焉故顯為世宗可謂卓爾絕世之主矣 魏志曰太祖漢相曹參之後也時曹騰為中常侍大長秋養子嵩嗣父嵩官至太尉太祖少機警有權數而任俠放蕩不治行業故世人未之奇也唯梁國喬玄南陽何顓謂太祖曰天下將亂非命世之才不能濟也能安之者其在君乎 吳志曰孫權屈身忍辱任才尚計有勾踐之英奇人之傑矣故能自擅江表鼎峙之業

雄才二 北堂書鈔

雄才大畧

漢書

雄才遠畧

魏志

雄畧之主

吳志

一世之雄

徐爰

宋書天姿傑邁晉秋意思安閑魏氏春秋威鑒電斷晉秋論

决大事魏書沈毅大畧晉秋舉止自若續漢書謀經藝發

圖識東觀不震不動不難不竦詩才直驚人勇非人敵

見小敵怯見大敵勇東觀壯士何畏漢書按行賊營東觀

迴山倒海素迴天倒日陸機鞭笞天下史記囊括天下襲

鼓吹席捲天下包舉寓內執扑鞭笞賈誼折筆以笞

之東觀拔萬國之地九州之結子傳心如饑虎志若秋

鷹虞丘據河為塞塹山堙谷直抵南山以為闕立石

東海以為門並史記

○藝能北堂書鈔

多材多藝能事鬼神書奇才美藝通微入神曹植善史

書東觀善草書博物志善左右射典論文帝自序曰或言

能余言執事未覩夫項發射口縱俯馬蹄而仰月支也射出百步論射虎於觀年

射蛟於江漢書手射飛鳥魏志發彼小狝詩少好弓馬論

甘蔗為杖典論以單攻複典論曰余少曉持複自謂無

為蔽木戶後從陳國袁敏學以單攻複每為若以短

申對家不知所出先曰若逢敏於狹路直次耳

乘長並典論銅丸摘鼓漢書自御塤篪東觀善鼓琴前漢元

元帝多材藝善史書鼓琴瑟吹洞簫善音樂桓譚蔡

自度曲被歌聲分判節度窮極幼眇善音樂桓譚蔡

邕中角彈棊博物志曰魏文帝善彈棊能用手中角

角撇喜彈棊典論曰余少所喜唯彈棊善圍棊博物志造

棊善圍棊博物志造

棊善圍棊博物志造

棊善圍棊博物志造

棊善圍棊博物志造

宮為則魏書畫壁為像徐爰宋書

○歎美采藝文類聚

吳曆曰曹公出濡須權數挑戰乃自乘船從濡口而入公見舟船器仗徒伍整肅喟然歎曰生子當如孫權為劉景升子若狔犬耳 沈約宋書曰帝諱裕字德輿小字寄奴初為冠軍孫司馬桓玄篡帝位遷天子於潯陽桓修入朝高祖從至京邑玄見高祖語司徒王謐曰昨見劉裕風骨不恒蓋人傑也

歎美北堂書鈔

予楸乃德嘉乃不績 詢事考言乃言底可績 萬

世末賴時乃功 成允成功惟汝賢 汝惟弗矜

下莫與汝爭能汝惟弗伐天下莫與汝爭功 其爾

之休有辭末世 世世享德萬邦作式並尚書 穎川蒙

太守威力 指曰此太僕室也 差強人意 若敵

國並東觀將軍被創深重猛氣益奮魏志 宓不空有名蜀志

李宓傳每見王文章愛玩無已魏文 寫王茲頌置諸左

右魏文後出益奇 斯異美矣魏文

○追舊采藝文類聚懷舊別立成篇

尚書曰人惟求舊器非求舊惟新 毛詩曰友賢不

棄不遺故舊則民德歸厚 漢書曰高祖過沛置酒

沛宮悉召故人父老酒酣自擊筑起舞慷慨傷懷泣
數行下謂沛父兄曰遊子悲故鄉吾雖都關中萬歲
之後我魂魄猶思樂沛與父老諸母故鄉人樂飲極
歡道舊故為笑樂 東觀漢記曰章帝幸東平祭東
平王墓云思其人到其鄉其度在其人亡

追舊一此堂書鈔

慎終追舊篤信允愛潘岳西征王思舊勲春秋帝思舊恩同

席書封陽都侯魯國先賢傳飽一筭餌拜河東都尉東觀禮

龍潛之舊魯國先賢傳有撫塵之好應利祿先死禮後生禮

封黃帝之後於薊 封夏后氏之後於杞 封殷之

後於宋並禮記求樂毅後漢書賜王髦孫文士傳詔求徵卿

漢書羌嘗有警思將帥之臣 單于入朝思股肱之美

揚雄迺畫霍光麒麟漢書刻作鮑信祭為哭之魏志圖黃

瓊於省內漢書今經北館無復子侯 封張賀家漢書瞻望

墳壟魏志收械墳墓魏志想其餘風後漢書感其知己魏志臨

祀素紹魏志追思楊修文士傳

追舊三白帖按本作念良臣

安得征虜後漢祭遵為征虜將軍卒世祖每果失名

將又賈復力戰傷創甚世祖聞之曰吾所以不遣君

文專征者以其敢深入果失吾名將聞其婦孕曰

生女耶我子娶之生男耶我聞鼓思臣禮聞鼓輦之

女妻之不令其憂妻子也

臣之賜金奉祀 漢宣賜右扶風尹翁歸子黃金百斤奉祭祀大司農朱邑子亦然

序梁元帝懷舊志序曰吾自北守琅臺東探禹穴觀
濤廣陵面金湯之設險方舟宛委眺玉笥之千霄臨
水登山命儔嘯侶中年承乏攝牧神州戚里英賢尚
冠髦俊蔭真長之弱柳觀茂弘之舞鶴清酒繼進甘
果徐行長安郡公為其延譽扶風長者刷其羽毛於
是駐伏熊廻駟命鄒湛召王祥余顧而言曰斯樂難
常誠有之矣日月不居零露相半素車白馬往矣不
追春華秋實懷哉何已獨軫魂交情深宿草故備書
爵里陳懷舊焉

哀恤 北堂書鈔

恤孤而民不倍 禮記爰及矜人哀此鰥寡 詩諸侯薨

去樂 禮周既死不稱名 左傳感念沾襟 東觀嘉幽蘭兮延秀

當 中夏兮下霜 漢書親故離災 魏文士人彫落 魏文思念

不已 漢書追德賦 范曄

勅誠 北堂書鈔

商湯有景亳之命周武有盟津之誓 左傳用之于會同
用之于軍旅 禮周申命行事 易告爾朕志 明聽予告
后非民罔使民非后罔事 民之所欲天必從之
樹德務本 作善降之百祥作不善降之百殃

若網在綱有條弗紊若農力穡乃亦有秋 僕臣正

厥后克正 懋乃后德 匡其不及 罔不同心

乃心王室 沃朕心 訓朕志 爾有嘉謀入告爾

后 求綏厥位毗予一人 以佑乃辟末康兆民

惟公懋德 惟時懋哉已上並書覽照前世紀為鏡戒申

各守爾典 時亮天功 顧乃德 高乃聽 正色

率下 蒞事惟能 欽乃攸司 慎乃出令 省

成 慎乃憲 敬明乃罰 敬明乃訓 敬爾繇獄

敬爾有官 舉能其官惟爾之能 率不良 保

赤子 惟民康乂 一乃心力其克有勛 乃一德

一心立定厥功 恭儉惟德 往盡乃心 爾有善

朕弗敢蔽 予弗掩爾善 德懋懋官功懋懋賞

汝無面從退有後言 罔以辨言亂舊政 無以利

口亂厥官 無倚勢作威 無倚法以削 罔違道

無忿疾 無傲從康 汝無起穢 無載爾偽

勿用非謀 罔迺于酒 弗腆于酒 正無彝酒

矧敢崇飲 德將無醉已上並書節酒慎言魏文帝作福作

威害于而家凶于而國 爾惟自鞠 汝自求毒

罰及爾身弗可悔 無替朕命 無棄朕命 陳師

鞠旅並書聚眾而誓 巡師誓眾 嗟我友邦冢君越

御事庶士格爾衆庶悉聽朕誓以爾衆士奉辭伐罪
爾其奉予一人恭行天罰 爾尚弼予一人永清四
海 予以爾有衆奉將天罰 致天之罰 肅將天
威 底天之罰假手于我有命 予弗替上帝有夏
多罪天命殛之 商罪貫盈天命誅之 予畏上帝
弗敢弗正 予弗順天厥罪惟均 勗哉夫子尚桓
桓 尚迪果毅以登乃辟 我武惟揚侵于之疆
罔或無畏寧執非敵 威克厥愛允濟愛克厥威允
罔功 殲厥渠魁脇從罔治並書既敬既戒惠此南國
詩稱爾戈商書鍛乃戈矛 杜乃獲斂乃弮 峙乃芻

芟無敢弗多峙乃糗糧無敢弗逮 火炎崑岡玉石
俱焚 功多有厚賞不迪有顯戮 用命賞于祖弗
用命戮于社 其或弗恭邦有常刑 爾無弗信朕
弗食言並書

○撫勞北堂書鈔

悅以使民民忘其勞悅以犯難民忘其死易子路問
政子曰先之勞之論語四牧勞使臣也采微遣戍役也
出車勞還帥也杕杜勞還役也毛詩不留不處三事
就緒 鞠哉庶正疾哉冢宰並毛詩

○責讓北堂書鈔

節正

卷二十七

二

撫勞 責讓

晉侯築宮而美康王使讓之紀年云晉帥陰戎伐顧景

王使辭於晉春秋弗知稼穡之艱難 惟湛樂之從

厥父菑厥子弗肯播厥考作室厥子弗肯堂並尚職

事竝廢盜賊縱橫民多寃結州郡不理 非有斬將

奪旗之實非所以輔國家綏海內 未聞成言嘉謀

並漢書欲以身試法耶 將軍乘傳行塞因用歸家並漢

書詔書千條萬端何意臨敵教亂後漢

○猜忌北堂書鈔

非少王臣也 若芒刺在背漢書寧我負人無人負我

世語曰太祖過伯奢伯奢出行五子皆備賓主禮聞其食器聲以為圖已遂殺之既而悽愴曰寧我負人

無人負我有勝已者以法誅之曹瞞傳眠不可安近近輒斫

人說世說人欲危已已輒心動世說啖野葛飲鴆酒博物志曰太祖

習啖野葛至一尺亦得少多飲鴆酒

○微行北堂書鈔

微服遊於康衢列子微行期諸殿門漢書夜漏乃出漢書夜

出夕還 出從期門下 富平侯同與並漢書剝服旗

帽風俗通白衣袒幘漢書降尊就卑懷璽藏蔽 便旋閣

閣周觀郊隧張衡西京賦亭長不內宿於逆旅 北至湯

池西至黃山 出入市里並漢書微服看世紀數幸鄧通

家風俗通醉飽吏民家漢書召逆旅夫妻賜金千斤漢武故事

微行

厭紫極之弘敞甘微行以遊盤賦潘若神龍之變化彰

后皇之為貴賦西京白龍魚服見困豫且賦西京棄萬乘

樂賤事 執干戈守空官並漢書蘭池見窘史記客星逼

坐志怪記

○恩幸北堂書鈔

非有材能婉媚賞幸前漢倭幸傳曰漢興倭幸寵臣

此兩人非有材能但以婉媚貴幸與上卧起公卿皆

因關說故孝惠時郎侍中皆冠駿驥貝帶傳脂粉化

屬也富侔於王者通風俗權與人主侔 貴傾公侯

貴震朝廷 與上卧起 嘗與書寢 使乘副車

出則參乘 冠駿驥 傳脂粉 珍寶上第盡在董

氏前漢倭幸傳曰詔將作大匠為賢起大第北闕下

及武庫禁兵上坊珍寶其選物上第

○奢侈北堂書鈔

觴酌有采樽俎有飾韓子食器雕瑤茵飾雕文韓子宮室

崇峻輿馬奢侈帝王世紀披珍玉之衣傳子作麗華之室帝王

世宮人不移樂不徙懸三輔故事庖厨不徙後宮不移司

相如上糟丘酒池賈氏新書肉圃酒池淮南子酒池肉林輔

故車行酒 騎行炙帝王世紀曰紂宮有築為玉牀

淮南子紂為象筋紀世甲乙之帳漢書珠璣為簾秦記收美

女以充明光宮漢武女樂三萬人管子美女二千人漢書

帝王 三宇 卷二十一 七 奢侈

坐文綺之席衣綾紈之衣並六韜席錦繡三百人紀世峻

宇雕墻書窮妙極麗漢書臨雲雨新序蔽天光劉德賦飾

以美玉紀世翠羽飾之木衣綺繡土被朱紫並漢書殿

居複道周閣相屬史記大宮千里紀世鹿臺大三里新序阿

房坐萬人史記瑤臺玉鋪管子瑤臺瓊室賈氏新書辟臺穆天

子玉堂漢書璇室象廊淮南子千門萬戶以銅為瓦漢書以

瓦為堂室漢書銅金為柱淮南子石脂為泥漢武帝黃金塗

階漢書投珍物為沙丘苑紀世起土山於華林園魏畧前廷

植玉樹漢書

○廢立北堂書鈔

立適以長不以賢立子以貴不以長並春秋選賢為立

漢書置善則固事長則順立愛則孝結舊則安年鈞

以德德鈞以年年鈞擇賢義鈞則卜並春秋太尉上

璽符史記太后投璽綬魏志就宗正府漢書壁止西廟魏志令

聞日新四海注意王隱晉書伊尹放太甲以寧殷魏志臣寧

負王不負社稷司馬孚悲不自勝魏畧曰景于廢帝與太后別垂

漢書始從太極殿南出羣臣送者數十人太尉司馬孚悲不自勝餘多流涕

○昏德宋藝文類聚

尚書大傳曰夏人飲酒醉者持不醉者不醉者持醉者相和而歌曰盍歸于亳盍歸于亳亳亦大矣故伊

尹退而閑居深聽樂聲

思其故也是時伊尹化桀

更曰覺兮較兮

吾大命格兮

覺兮謂先知者較兮謂直道者也格至也吾語桀也

去不善而就

善何樂兮伊尹入告于桀曰大命之亡有日矣桀啞

笑曰天之有日猶吾之有民也日亡吾亦亡矣是以

伊尹遂去夏適湯

桓子新論曰武帝多過差既欲

斥境廣土又乃貪利爭物之無益者聞四夷大宛國

有名馬即大發軍兵攻取歷年士衆多死但得數十

匹耳又歌兒衛子夫因幸愛重乃陰求陳皇后過惡

而廢退之即立子夫更其男為太子後聽邪臣之譖

衛后以憂死太子出走滅亡不知其處信其巫蠱多

徵會邪僻求不急之方大起宮室內竭府庫外罷天下百姓之死亡不可勝數此可謂通而蔽者也吳志曰孫皓性嫌忌果於殺戮既於末年彌以滋甚至于讒說殄行胤嗣廢斃豈所以貽厥孫謀以燕翼子者哉其後葉陵遲遂致覆國未必不由此也

昏德二北堂書鈔

有夏昏德

穢德彰聞

顛覆厥德

歛怨以為德

毛詩以逸豫滅厥德

黎民咸貳

爾德不明

詩不明

于德

太康尸位逸豫太甲既立弗明

並尚

興居無

節詩起居無常

詩合神霧

狎侮五常怠棄三正

屏棄典

刑並尚書不用古法威儀不類並詩謂敬不足行謂祭無

益弗戚于民並尚書無志乎民春秋不臧覆用詩無功

者賞六韜元首叢脞哉萬事隳哉弗惠阿衡放黜

師保播棄黎老昵比罪人並尚書召彼故老訊之占

夢詩君子在野小人在位尚書君子為下小人為上六韜

親小人遠賢士亮不知用賢賢人放逐詩左彊

在側淮南維此良人弗求弗迪詩諫者為謗史記信者

為誣六韜誨爾諄諄聽我藐藐念于慘慘視我邁邁

出話不然善人載尸君子信讒如或酬之並

詩聞言不信聽不明也易不諂已者大而枯之賈誼

謀夫孔多是用不集發言盈庭誰敢執其咎詩縱惡

口棄尚書悖傲滋甚魏志遁逃是崇尚書為長信宮傳物起

河間第續漢書內作色荒書世子為政六韜婦人與政世

婦言是用書惑後妻言世斷茗華竹書紀年云梁命

干桀二人曰琬曰琰后愛二人女無子踞姐已漢置

妹喜滕上上與褒姒同乘並列女傳發烽乃大笑世作

奇技淫巧以悅婦人書豔妻嬖方處詩宮內九市六韜

為肆販賣身為商賈與從官飲並漢書東園輸禮錢

西園駕白騮冠狗弄彘並漢書外作禽荒般遊無

度十旬不返並尚書朝冒霜露晝被塵埃口倦

叱咤手苦纏筆漢書甘酒嗜音書好酒忘身尸糟為丘

六懸肉為林輔三酒池運舟帝王酒池牛飲六威儀幡

幡舍其坐遷屢舞倦倦威儀威儀怩怩載號載號載嘷

亂我邊豆屢舞飲飲側弁之俄屢舞傴僂如蝸

如蟾如沸如羹俾晝作夜並詩長夜之飲紀世三句不

出聽政博物志七日不知曆數紀世靡靡之樂紀世矯誣上

天弗敬上天自絕于天並書虧三光之明傷億兆

之望漢書逆天道絕天德紀世洩天氣發地藏公舉事戾

蒼天發號逆四時淮南子戮天射天並史

○失政北堂書鈔

天厭周德左傳周室道衰詩天罔不矜曹植構怨連禍詩

周室微弱政由方伯史記禮樂征伐自諸侯出論語周鄭

文質王祭不供四郊多壘並左傳盟于太室竹書紀

諸侯盟於太室狩於河陽春秋姬厲失權書周舍逃責

前漢諸侯王年表曰幽平之後分為二周有逃責之

責急乃逃於此臺折其玉斗失其金椎孝經援神契

折其玉斗失其金椎注后桀也偷苟且失其玉鏡尚

自奉也玉斗者渾儀金椎言國之寶秦失金鏡書九鼎

帝命驗云桀失玉鏡用其噬虎注秦失金鏡書九鼎

入秦史記步至河上廬次曹陽帝崎嶇危亂之間飄

溥萬里之衢後漢書質唱乘輿載帝幸營珠寶

車馬乘輿器物盡入其邸 星流矢激螢火照道並獻

帝春麴屑為粥漢晉煖茶煮飲四王御前作糜漢傳客

舍作食周編天下聚歛不知紀極田水確云云

○禪位一采藝文類聚初學記成篇

呂氏春秋曰舜有九子不予其子而授禹至公也

帝王世紀曰堯取富宜氏女曰女皇生丹朱又有庶

子九人皆不肖故以天下命舜曰咨爾舜天之曆數

在爾躬允執其中四海困窮天祿未終及堯三年喪

皐舜踐天子位 又曰堯納舜于大麓後年二月又

率羣臣刻璧為書東沈洛水言天命當傳舜之意今

中候運衡之篇是也 魏志曰文皇帝諱丕字子桓

武帝太子也為五官中郎將嗣丞相為魏太子太祖

崩繼位為丞相魏王延康元年受禪于漢為帝 王

隱晉書曰世祖武皇帝文帝太子也文帝初開晉國

立為世子拜撫軍大將軍嗣相國文帝崩魏帝命上

為相國晉王十一月受禪於魏 齊書曰高帝諱道

成字紹伯蘭陵人受禪于宋在位四年 梁書曰武

帝諱衍字叔達蘭陵人受禪于齊在位四十九年

北齊書曰文宣帝諱洋字子進受禪于後魏在位五

年 陳書曰武帝諱霸先字興國吳興長城人受禪

於梁在位三年

禪位二北堂書鈔

貴而無位 亢龍有悔並易 選賢與能 格文祖書堯

薦舜于天舜薦禹于天 命禹而推受 堯待舜

若棄敝履 館于貳室並孟 贈昭華玉帝王世紀 授益地

圖 輯五瑞 總朕師並尚書

○登遐帖白 (山陵國忌日附)

天王登遐告喪曰天王登遐言若仙去 宮車晏駕 八音遏密三載

四海遏密八音遏絕也 萬國縞素 殂落舜典二十

乃殂落百姓 諒陰高宗諒陰三年不言君薨 違世貽

法傳先王違世 卽命遺後又云古之王者知命不長

告之訓典而後 顧命周成王將崩作顧命 遺詔漢文

卽命以遺後嗣 顧命臨終之令曰顧命 遺詔臨崩

制三十六日之服 叩心絕 稽顙檀弓云居喪獨行號

巷哭並劉晏車時初崩也 禹駕 三后在天言登遐而

北人孺慕 七日而殯 七月而葬 三后在天精神歸天

天奪九齡王文 天祿永終 三載寢於諒闇 八音遏

於四海並西 山陵軒轅丘山海經曰窮山際有軒轅

之威 銅雀臺魏武遺詔今起銅雀臺美 橋山弓劍黃

葬於橋山南空棺 長陵杯土漢張釋之曰後有人盜

無尸唯劍舄在 長陵杯土長陵一抔土陛下何以

加罪 天崩而憂杞國杞國人有 龍去而哭軒臣黃帝

焉 天崩而憂杞國杞國人有 龍去而哭軒臣黃帝

焉 天崩而憂杞國杞國人有 龍去而哭軒臣黃帝

焉 天崩而憂杞國杞國人有 龍去而哭軒臣黃帝

山下鑄鼎成乘龍上天小臣挽持龍髯墮之 遵七月之禮 畏百年之神

大戴禮孔子曰黃帝堯葬穀林見帝紀 舜葬蒼梧象耕鳥耘

死後人畏其神百年歸聖魂於東岱 引靈駕於西陵魏武帝 謁廟 拜陵

晉王導字茂弘自漢魏已來羣臣不拜山陵道以元

帝睽同布衣匪唯君臣而已每崇進皆就拜不勝哀

感由是詔百官容衛靈輿國忌日登遐之日 違

拜陵自導始 世之辰 如喪之情如喪考妣 攀髯之日 標式祠部式 國忌日

明標不樂忌日 天忌 邦式

○霸北堂書鈔 義道以霸禮記 取威定霸春秋 王霸務焉白虎通 駁而霸孫卿

子共工氏之霸九州也 五霸三王之罪人孟子 五伯

之霸也勤而撫之以役王命左傳 求諸侯莫如勤王

明天子之威已上春秋 敬王命 成禮義國語 導周室 和

諸戎狄以正諸華春秋 九合諸侯一匡天下論語 九合諸

侯如樂之和 再合諸侯三合大夫 衣裳之會十

有一穀梁傳 文襄之霸不煩諸侯 宣昭令名昭禮命

事 大蒐示禮 伐原示信 諸侯相滅桓公耻之

存三亡國以屬諸侯 遷邢於夷儀左傳 僖公元

邢人潰出奔師師遂逐狄人具邢器封衛於楚丘左傳

用而遷之師無私焉夏邢遷於夷儀

僖公二年諸侯城楚丘 五侯九伯汝實征之春秋 三舉

而封衛焉衛國忘亡 一戰而霸 寧東夏 平秦亂春秋 霸西戎

而悅淮南子 一戰而霸 寧東夏 平秦亂春秋 霸西戎

春并國十二開地千里世紀力制羣雄秦山艾艾姦雄
 漢諸侯無怨天無大災

漢書諸侯無怨天無大災
 力制羣雄
 艾艾姦雄

